



# بلوچی لاصف





## مليين سرود

دا عزت د هر افغان دی  
هر بچی یې قهرمان دی  
د بلوڅو د ازبکو  
د ترکمنو د تاجکو  
پامیریان، نورستانیان  
هم ایماق، هم پشه یان  
لکه لمر پر شنه آسمان  
لکه زره وي جاویدان  
وایو الله اکبر وایو الله اکبر

دا وطن افغانستان دی  
کور د سولې کور د تورې  
دا وطن د ټولو کور دی  
د پښتون او هزاره وو  
ورسره عرب، گوجر دي  
براهوي دي، قزلباش دي  
دا هېواد به تل ځلیري  
په سینه کې د آسیا به  
نوم د حق مودی رهبر

بِسْمِ اللّٰهِ الرَّحْمٰنِ الرَّحِیْمِ



# بلوچی

۷ صنف

چاپی سال: ھ. ش. ۱۳۹۹

الف

## کتابی درستی کنگ

مضمون: بلوچیی زوان

نویسوکان: تعلیمین نصابی بلوچیی بهری نویسوکین ډل.

ایدت کنوک: بلوچیی زوانی در سیین کتابانی نویسوکین ډل.

صنف: هفتم

متنی زوان: بلوچی

دیمری دیوک: تعلیمین نصابی دیمری و درسیین کتابانی لیکگی مزین ریاست.

شینگ کنوک: معارفی وزارتی عامه ین آگاهی و ارتباطی ریاست.

چاپی سال: هجری شمسی ۱۳۹۹

ایمیل آدرس: curriculum@moe.gov.af

درسیین کتابانی چاپ، بهر وبها کنگی حک په افغانستانی اسلامیین جمهوریی معارفی وزارت

ساتنگت. به بازارا زیتن و بهها کنگش منع انت گون خلافان قانونیین سلوکی بیت.

## معارفی وزیري پیغام

اقرا با اسم ربك

پاكين خالقئ بازين حمد و ستا كه اماره هستي دات و وتتن و نمشته كرتنئ مزین نعمتی واوند كرت و بازين درود په خاتم رسول حضرت محمد مصطفی ﷺ كه خداوند ﷻ ی اولی پیغام په آبی (وتتن) انت. چوكه په درستان روش و درانت. هجری شمسی ۱۳۹۷ سال به معارفی سالی ناما نام گپتگ بوت. پمیشا به امی و طنا به تعلیم ورود ینگئ نظامی جتاجتاین بهران بازين بنیادین بدل بوگی کیت: معلم، وانندگ، کتاب، مکتب، اداره و ماس و پسانی شورا افغانستانی معارفی شش بنیادین بهرزانتگه بنت که به وطنی تعلیم ورودینگی ود و دیمیریا مزین تاثیرى دارنت. به انچین قسمت جوړ کنوین و هدی، افغانستانی معارفی رهدربری مزین خانواده تعهد کړته که به وطنی تعلیم ورودینگی انونین نظامی ود و دیمیریا بنیادین بدل بوگی بیاریت.

شه همی روگها تعلیمین نصابی اصلاح و دیمیری شه معارفی وزارتئ سرئ کاران انت. به ای بهرا تعلیمین نصابی اصلاح و دیمیری، کتابانی مزند و محتوای گه بودی و به مکتبان و مدرسه ان، سرکاری و خصوصین بنیادان درسین کتابانی رسیتن و بهرکرتن به معارفی وزارتئ پروگرامانی اولسرا جاه داریت. اما باوردان، اگه کتاب جوانین کیفیتی داشتگ مه بنت، وطنی تعلیمین سک و پرواکین مخسدانا به دستا آورتگه نه کنن.

په یات بوتگین مخسدانی به دستا آورتن و یک کارین هیل زورگین نظامی رسگا شه مچین وطنی دلسو چین معلم و مدرس و زانگ و کمالی واوندین مدیران که آیوکین نسلی رودینوک انت، په عزتداریه لوتین که په ای درسین کتابی هیل داتن و آبی مزند و محتوای رسینتا به امی عزیزین فرزندان شه هررازی کوشستی پدا مه کنزت و به کاری و سرپدین نسلی تعلیم ورودینگا گون دینی و ملیین ارزشتان گون ایراد گروکین فکری کوشست بکننت. هر روچ سر تعهد و ذمه واری منگی نوک کرتنا گون ای نیتاسبخ داتنا بناکننت که به زوتین آیوکی عزیزین و انندگ، تاثیر دارین رودینتگ بوتگین شهروند و آبات و دیما شتگین افغانستانی جوړکنوک بنت.

همی رازشه عزیز و دوستین وانندگان که وطنی باندی روچی پرارزشین پیه و سرمایه انت لوتین که رسا که مه شמושنت و په باز ادب و احترام گون علمین پت و پولی شه عزیزین معلمانی سبحا په جوانی کت بزورنت ووتی عزتمندین معلمی زانگ و علمئ اوشگ چین بنت.

گهسرا شه وطنی هیل دیوکین کارزانتان، تعلیم ورودینگی دانندگان و تعلیمین نصابی فنین بهرئ همکاران که په ای درسین کتابی بریرکرتنا شپ و روچ کوشست کرتگش قدر کړته وشه مزین خالقئ دربارا په آوان به ای پاک وانسان جوړ کنوین راها سوب و کامیابه لوتین.

به یک معیاری و دیماشتگین معارفی نظامی دسترسی و آبات و دیماشتگین افغانستانی رسگی اومیتا که سرپد، آزات و آسوده حالین شهروندانى واوند بیت.

دكتور محمد میرویس بلخی

معارفی وزیر

۱	حمد
۳	مزين پيغمبر حضرت محمد ﷺ
۷	شه وٽ پوره يي
۱۰	آسمانڪ
۱۶	وطن
۱۹	جمله
۲۱	پنت
۲۳	سول
۲۶	انٽرنت
۳۳	شهتي گودر
۳۸	مالاني پيدگ
۴۳	ماس
۴۶	ضمير و آبي ڊول
۵۰	دوستي
۵۳	جوانيي آسر
۵۹	درگيجڪ
۶۲	مُخدرين چيزاني گندگين اثر
۶۹	صبر
۷۳	دست دوچي
۷۶	ماين چي انت
۸۰	خان محمد سليمي
۸۴	فعل و آبي ڊول
۸۷	نيمروزي ولايت
۹۱	علمي هيل زورگ
۹۵	اُستادئ ڪدر
۹۸	بزانت بلد

## حمد

خدا یا ته وئ مهربان و کریم

ته وئ بر تمام بندگان رحیم

تئی فضلُ احسان بر بندگان	همیشه سر ما انت اس تو نعیم
تئی جود بخشش فراوان و باز	تئی رحم و شفقت وسیع و مدیم
تئی مسترین نعمت اسلام دین	په ما یهتین آرسول کریم
تئی نعمتی شکر اچ دست ما	نه بیتین یکی از هزار ای علیم
ته وئ بندگانی سرا مهربان	پر ما تئی رحم گیش ای حلیم
تئی رحمتا می امیت باز و باز	هدایت بده بر راهی مستقیم
به دئی ما را توفیق اعمال نیک	نگه دار ما را چه نفس لئیم

چه تئی بار گاهای چم دارانت مدام

تئی بخشش را جی عبدالکریم

عبدالکریم "راجی"

### معلمی تج و تاک:

- \* سبخی په برزین تواری بوانیت.
- \* سبخی نوکین گالانا گون آوانی مانا به تختی دیما بلکیت.
- \* په حمدی باروا هبر بدنت و وانندگانا پوه و سرپد بکنت که حمد تانکا په خداوند (یح) گشتکه بیت.

## واندگاني تڄ وٽاڳ:

\* دو وانندگ په رون اي حمدا په برزين تواري بوانيت.  
\* سبڅا بشکننت و نوکين گالانا گون مانايش شه تختی ديما به کتابچهان بلکننت.  
\* وانندگ سئ بار بنت و هربراري وانندگ گون وت په خداوند(ج) حکمت و  
مزينی باروا هير بدینت و شه هربراري يک وانندگي چيزيکه شه وتي همراکان  
اوشکته په برزين تواري په دگران بگشيت.  
\* سئ وانندگ په رون چيزيکه اي حمدي باروا زانت په دگران  
بگشيت.

## شه وت کرتن:

عزتمدين معلم په مالوم کنگا که وانندگ سبڅا په شري زرتگنت اگه نه شه آوان  
جست بکننت.  
- حمد په کئ گشتگه بيت؟  
- کئ اي حمدي مانا به وتي زوانا گشتگه کنت؟  
- معلم لهتين گال و جمله بگشيت، بارين وانندگ په شري نمشته کرتگه کنت.

گسويين کار:

عزيزين وانندگ اي حمدا شه بر بکننت.



# امی پیغمبر حضرت محمد ﷺ

مخسد:

- وانددگ سبځا بواننت و مانای بزانت.
- شه حضرت محمد ﷺ برزین صفتان گیشتر سی بنت.
- شه حضرت محمد ﷺ سکین نیت و ارادا که په الله ﷻ
- حُکمی برجا کرتنا تسر کرت سی بنت.



جست:

۱. وهدی که حضرت محمد ﷺ په مردمانی راه نشان دیوکیا گچین بوت کعبی حالت چون ات؟
۲. سروهدا حضرت محمد ﷺ مردمانا چیرکایی به اسلامی دینا لویت یا روش ودر؟
۳. بت پرستانی کماش و مزن په وتی بتانی ساتنا چه راهی بدیما گپنت؟

الله (ج) آوهدا وتی عزیزین پیغمبرا په درستین جهانی مخلوکانی رهشونیا دیم دات که مخلوک وتی جندی جوړ کرتگین بُتانا سجده کرتنت و یکین خدا را که دُراین جهان و دنیا ها ودی کرتت، شموشتنت.

هما کعبه یی که ابراهیم (ع) و اسماعیل (ع) په یکین خدای عبادتا جوړ کرتنت به تهی راز رازی ۳۶۰ بت اشتگ بوت و آوانی احترامه بوت. به انچین وهدی اسلامی مزین پیغمبر حضرت محمد ﷺ په مردمانی راه نشان دیوکیا گچین بوت که آوانا به راستامین راهابارت، به بازین سکی وسوریان گون سکین نیت وارادی په الله (ج) حکمی برجا کنگا کتره یی نه اوشتات و په سوب دیما شت.

سروهدا تا ۳ سالا چیرکایی په اسلامی دینی رواج داتنا کارکرت ورندا شه آبی گون وتی نزیکین دوستان و ترا درا کرت و گشت:

ای کاپیران! من آوانا پرستشه نه کنین که شما بیدی خدا پرستشه کنت و شما هم پرستشه نه کنت آیرا که من پرستشه کنین، من پرستشه نه کنین آ چیزانا که شما به آوان عبادته کنت و نه شما چیزی را پرستشه کنت که من عبادته کنین، پدا دگه شمی دین په شمی جندا و منی دین هم په من.

شه همی روچا شه مچان دیمترا، روش و درا وتی عبادتا جتا کرت، کثومین کماش و بت پرستانی مزین، آتیا آتنت و گشتنت که اما هرچیه لوتی ترا دین. آ چوش پکر کرتنت که موک و ملام و ویلین کتولی دیگ سببه بیت که پیغمبر شه وتی راها بر بگردیت، مگه وتی پسوا چوش او شکنتت که خدای رسول گشت:

اگه روچا منی راستین دست و ماها منی چین دستی دلا بلت، هیچبر من شه وتی راها بره نه گردین، اگه منی سر هم به ای راها بروت.

خدای پیغمبری کار و کرد و جُهد و کوشست و بازین صبر و حوصله سبب بوت که مخلوکانی پوج پوج آتیا بیانت و مسلمان بنت و خدای گساشته و یکین خدای عبادتا مشکول بنت.

مسلمان به وتی زندگیا حضرت محمد ﷺ دُرین هبر و راه نشان دیوکیا نا وتی راهی چراگ زاننت و به خیر و نیکی راها رونت. وتی دست و زوانا شه گندگیا دوره سانتت و کاری نه کننت که کسی شه آوانی دست یا زوانا پازاب بیت.

حدیث شریف انت که پراستین مسلمان آء انت که مردم شه آیی زوان و دستی شرا  
الاس بنت.

شنت یک مردمی وتی گوکانا به دگری سوزگ و کشارا چارینت دگه پو و سرپدین  
مردمی که شه اودا سره گوست آیرا دیست و گشت:

ایشا ته وش داری که تی گله و کشار و سبزگا دگری وتی گوکانا بچارینت؟  
آ مرد گشت: نه، وش نه دارین.

دگه سرپدین مرد آیرا گشت: حضرت محمد ﷺ گشتگیت:

چیزیکه په وت پسند کنت، آیرا په دگران هم پسند کنت، که پورهین مومن بیت.

آ مرد هما دما وتی گوکانا شه کشار و سبزگی تها درکرت و گون وت عهد کرت که په  
کسی تاوان مه رسینت.

### معلمی تج و تاگ:

\* نوکین سبخا په برزین تواری بوانیت.

\* سبخی نوکین گالانا گون مانایش به تختی دیما بلکیت.

\* په وانندگان مالوماتی گیش کنگا په حضرت محمد ﷺ برزین و نیکین صفتانی  
باروا هبر بدنت.

\* شه وانندگان بلوتیت که بشکننت ورندا جستانی پسوا بگشنت. همیکه مطلبا په

واندگانی اوشکنا گشت، شه آوان لهتین جست بکنت، و گلهسرا شه سی واندگا

بلوتیت که چیزیکه دیما شه جستان اوشکتگنت په رون شه بر په برزین تواری

بگشنت.

## واندگاني تج و تاگ:

- سبڻا بشڪنتت و نوڪين گالانا گون مانايش به وتي ڪتابچهان بلڪنت.
- دو وانندگ په رون نوڪين سبڻا په برزين تواري بوانيت.
- وانندگ سئ ڍل بنت و گون وت په حضرت محمد ﷺ برزين صفت وسڪين نيت و ارادئ باروا هبر بدينت.
- شه هرڍلي يڪ وانندگي چيزيڪه شه اي سبڻا زرتنه په دگران بگشيت.

## شه وت ڪنگ:

- عزتمدين معلم په ايشي ڪه شه وت بڪنت ڪه بارين وانندگ سبڻا په شري هيل زرتگنت اگه نه، شه آوان لهتين جست بڪنت.
- شه شما ڪئ حضرت محمد ﷺ باروا هبر دانگه ڪنت؟
- سرئ وهدا تا چنت سال حضرت محمد ﷺ چيرڪايي به اسلامئ پاڪين دينئ رواج داتنا ڪاره ڪرت؟

## گسويين ڪار:

عزيرين وانندگ شه وتي گسئ مزن يا مسيتئ ملا صاحباه په حضرت محمد ﷺ باروا گيشتر مالومات ودي بڪنت.

## شه وت پوره یی

### مخسد:

- وانندگ سبخا بواننت و بلکننت.
- سکین لبزانی مانا بزانت.
- سبخئی مفهوما گشتگ بکننت.

### جُست:

۱. شه وت پوره یی چیا شنت؟
۲. شه وت پوره یی چه پیدگ داریت؟
۳. اما به وتی وطن شه وت پوره یی وسیله دارن؟

یکی شه بنیادمی لوپگان ایش انت که تلوسیت وتی پادانی سرا بوشتیت وشه وت پوره بیت و په وت پیچ و پوش، خوت و وراک و لوگ وجاه برییر بکننت و په دگری ارمه بیت. که امی مردمانی مزنین واهگ و ارمان به وت پوره یا رسگ بوته و انت په ای واهگ و مخسدئی رسگا مدت کنگی جوانین راه ایش انت که وطنی کشت و کشار ود ودیمری بکننت و به کشت و کشارگریی بارا شه نوکین راه و وسیلان کار گپتگ بیت و به پانادی مال و مالرداری ترخی بکننت تا که نان و وراک، چیرگیچ، بردیوک و جان پوشوک برییر بیت.

دُرایی و سلامتیی جاور و حالت برییر بنت په علاج و درمان کنگاشه وت داکترو دُرآجاه بدارن، جوانین مدرسه و مکتبانی واوند بن. آ وطن و مُلک که مادن و چیر دگارین خزانگانی واوند انت و راز رازی کار جاه دارنت و شه وتی مادن و خزانگان کشت و کاره گرنت په وتی دیما روگ و ترخیا دیمایی گام زورنت و بازین مردمی به کارا

مشکول و گته بنت په وتی آباتی و ترخیا سک و پرواکین نیت و ارادی بدیما گپتگه کنت.

الله (ج) در بارا شکر انت که اما په وتی وطنی دیمریا، شه وت پوره یی مچین وسیلانی واوندن، شه بزین بش و زولان گپتگ تا هر وری کان و خزانگا وت دارن، شه نیت و گازا پوره هن، سور (طلا) و مسی مزین دادن دارن، می مال و مال داری هم زبرانت په کشت و کشارا هم آپ دارن و هم ډگار و امی هموطن به کشت و کشار و مالداریی کاران برزین دستی واوند انت.

انون ای رساک و امیت، گیشتر شه دگه هر وده و وختی بریبر بوته، که به الله (ج) مدتاگون سکین نیت و ارادی به شه وت پوره یی راها کتوکین گام چست کرته و مان درستین جهاننا سر برز و آباتین وطنی جوړ ککن و په آسوده حالی و اسراحت زندگی ککن.

### معلمی تج وناک:

\* په وانندگانی ساجو کنگا، دیماشه سبخوا شه آوان لهتین سکین دیوکین جست بکنت.

\* سبخوا په برزین توارې بوایت

\* نوکین گالانا گون گون مانایش به تختی دیماشه نمشته بکنت.

\* په شه وت پوره یی باروا په وانندگان گیشتر هبر بدنت و آوانا پوه بکنت که شه وت پوره یی چیا شنت.

\* په وانندگان کسانین مطلبی بگشیت که بشکنت ورندا په اوشکتگین مطلبی باروا شه وانندگان لهتین جست بکنت.

\* شه سئ وانندگا بلویت چیزیکه دیماشه جست اوشکتگت په رون شه بر په برزین توارې بگشنت.

## واندگاني تڄ وٽاڱ:

- سبڻا بڻڪنٽ و نوڪين ڳالانا ڳون مانائيش شه تختي ديما به ڪتابچهان بلڪنٽ.
- دووانندگ په رون اي سبڻا په برزين تواري بوانيت.
- وانندگ سي بار بنت و ڳون وٽ شه وٽ پوره يي باروا هبر بدينت.
- شه هر باري يڪ وانندگي چيزيڪه په شه وٽ پوره يي باروا اوشڪته په دگران بگشيت.

## شه وٽ ڪنگ:

- عزتمدين معلم په ايشيڪه شه وٽ بڪنٽ ڪه بارين وانندگ سبڻا په جواني هيل زرتگنٽ يا نه شه آوان جسته ڪنٽ.
- ڪي په شه وٽ پوره يي باروا هبر دانگه ڪنٽ؟
- چون ڪنن ڪه وٽ شه وٽ پوره بن؟
- ڪي شه وٽ پوره يي باروا چار جملہ نمشته ڪرنگه ڪنٽ؟

## گسوين ڪار:

وانندگ به گسان شش ڪشڪي ڪاسانمشتانڪي په شه وٽ پوره يي باروا بلڪنٽ.

# آسمانک

## (چنار و کدو ول)

### مخسدا:

- وانندگ سبغا بواننت.
- سکین گالانی مانا بزانتت.
- سبخی مانا گشتگ بکننت.
- آسمانکی مخسدا بزانتت.
- آسمانکی گشگی وسا و دی کننت.



### جُست:

۱. کئی آسمانکی زانت؟
۲. آسمانکی گشتن چه پیدگ داریت؟
۳. چنار و کدو ولی آسمانکا او شکتگت؟
۴. نکل و آسمانکی گشتنی جوانین وهده کدین انت؟



روچی نه روچی شگالی هور گون روباهی مالوم نه ات که گون گجام خاصین مخسدی  
چیوی پدا گردوک اتنت، لوپنت کُکری پلنت، گجام باگی تنها پترنت و اوشگ بورنت،  
پالیزی تنها بورنت، کوپگ و تروکانا ناخست بکننت، آ شه گشنا چپ هری بوته تنت، هر  
سونی گنوک جستنت که چیزی گیر یش بکپیت که نه کپت، کلپر باز ات مگه گپتگ نه  
بوپنت، کلهوک که گیرکات کم ات، لاپ که هورک بیت گپان دنتان سینگ دروشیت،  
آوانا آرام نه کات گشن و تن زر ته تش، اینگو و آنگو جستنت، شپ و روچا، نه  
چارنتت که زوتی مخسدا برسنت.

روچی مان کوهستگانی تنکیی تنها رودی کرا رستنت، عجین زبرین آپ سری ات،  
چمش پاچ بوت، گنوک، گنوک بازین پو غوتی گپنت ولپا شتنت و جوان لاپ سیر وار  
تنت، رودی کرا چناری درچکی ات که بالا دی به غور آسمانا رست شاید و سبزات،  
چیری نشتنت که عجین ندارگی داریت جوهلین رودی تجیت و ای هندئ هوا هم پاک  
و ساپ انت.

شگال و روباهی چم دیست نکرت، چناری بالا دا که سیل کرنتت و دیستنت که  
کوهستگین رودی پهنا دا بندر گپتگیت شه رودی تا مدارین تچوکین آپان وارت و اودنی  
پاکین هوا، سری شریا لگیت، پمیشا جوان رودتگیت، کسه کرنتت و شه بازین ژندیا  
چمش مپ بوت و وایش برت، پرچی که لاپش سیر بوت و تا تنک دیگری وپنتت،  
اولسرا روباه آگاه بوت و چمانا پاچ کرته شگالی سرا توار جت:

وری شگالوک، بُست که تنگ دیگر انت:

شگال استات، دست و دپی شو شتنت، روباه گشت:

شگال خان! تیوگین دنیای وازدار که مشما ون، دگه ای چنار کی انت که مشمی چمی  
چیرا راستام اوشتا تگیت، بایدنت ایرگیجنی همیدنا پلان جور کرنتت و سنجش داشتنت  
که چون آزاتین چناری سرا بورنت، ناگتا چمش به آشنا کدوی تومی کپت، کدو توم که  
آوانی هیرا ناشکت، گشتیت:

شما مناهمی چنارو کئی پهنا دا غو دیت، منی آپ وروزی پکرا بکنت، من چناری سرا ورین، آشنا کدوئ تومی هیرا منتنت، چناری پهنا دا کورمی سستنت، توما غوجنتت. شه برزگا آیا دیمی آبی راه دانتت که تچوکین آپ شه بنی رد بیت، آشتنت مگه دیما شه روگا کدو توما سوگه کرتنت که کسی را ازم مدیی که شه چنار کت بگیت و پایدگی بوارت. اگه سهی بوتن که کسی را اشته تی وا په تهی جانا، تهی روزی زیانه بیت و تهی دپ هم بودار، تاکه اما کاین، ته شه ریشگا چنارو کئی روزیا بور و سرئ بالا بی و شه برزگا هوا هم سرئ کید بکنی تاک خپه بیت ومه رودیت.

یک ماه نه گوست که چناری برزگا رست و په باز غوروشه چنار سوج کرت:

وړی چناروک! ته نگشتی که تهی عمر چنکس انت؟

مناگشتی؟ چنار جستی کرت.

هان، تراکشین.

من واجه، شست سالگون.

تهی لوگ بیران میت، ټگ، شست سال و ای بالاد، مالوم انت که بازسک ټگی وی، بی روزی وی، منابچار که انگته یک ماهگ نبوتگون، مگه شه ته چنت گتسم برز ترون، پریشی که ته منی هیرانا بشکینی اړ بوتون که سراجال بکنین تا که منی گردن چوپ بوت که ته منی گپ و گالا بشکینی.

جی واجه کدو، من تنگا شست لوارو زمستان، شست تیرما و بهارا گوازیتگون تاکه به ایدنا رستگون که ته منی سرونووی، ته بی تاسور یک تیرماهی رابگوازین، زندگ بین که تهی رودگی چاروک بین.

دگه روچینا مُرگگی آت که برزگا بزین شاخلو کانی سراپه وت کدوگی بندیت، هامورگ بکنت و چوکو بدنت و شه چنارا خیری بگندیت، مگه شومپیتین کدونه اشتیتی و مُرگکا گشتیت:

مرگک، من کارندارین، ای شاخلوکا گندی؟ انچین لچوکین ناجویری داریت که ترا چه بگشین، بیدی آیی که تهی آمورگ خراب بنت و تهی بیست روچگین زحمت که آمورگانا موشی بی پایدگ بنت، تهی گوئر لوچ و تهی جیند هم گون چشین سکین ناجویری دیم په دیم بیئ که گلہان رکتگ مکنی، گهتر انت که دگه دواری په وت ودی بکنی، په ای رنگی آیرا گوازی و ریپی دات و بیچا رگا آواره کرت.

چناری پهنادا، مورینک کونپی ات، که سال مدیم وتی خر جا، مورینک شه همی چناری بلگ وجو نا درکا ورتنت، مورینک رهدگ بوتنت که برزگا برونت و په وت ورگی کپی بکننت، کدوول شور اوگی پرینت که مرویت برزگا، شما منالگت کپ کنیت، گیشتر شه ماهی گوزیت که من پهنادئ اون، من چه خیری دیستون که شما بگندت.

ای درچک سک نادرا انت، انچین ناجویری داریت که چه بگشین. پوستی شه ناجویریا آپ در چنت، شما که چنت وار تاو بالا بیت، آیی نادرای شما راگیت، بیدی آیی که شما گار بیت شمی تاوان په من هم رسیت. پرچی که نادرایا گون پادان کارت و منی پوستی سرا کلت، منا هم آسرا گاره کنت، پمیشا من ازمه ندیین که شما برزگا برویت.

شوانگی پیشی سالان وتی رمگا به گرمانا ایدنی آپسرا کاورت و اهارین روچان چناری چیرا پس و پنت و نیمرو چا سیایگ گپنتت، کدوول موتین شوانگی پوستی تها پترت که واجه:

ای چنارا گندی، وجودی تیر می داریت که وت به وت ریچنت وشه آوان مالی گری ودیه بیت، تهی رمگ یک سرگاره بیت، من که آیی برزگا ون کیه زانت و منی دل، من شه ای بدزاتین درچکی دستا دل سوک بوتگون، منی مچین پوست انچو آرگه دنت که شه بازین کریتنا ریش بوتگون، تویچار، گندی؟

منی سلوو شور په ته ایشنت که وتی رمگا دیما بکن و تا که توانی دورا بره و وتی پدا هم هیچ چک مجن، ای چناروک ناوشین درچکی انت، تهی پس که ایدنا و سپنت و پشکوله

کننت، ای پشکول وت په آیی پایدگان، آرودیت و برزتره بیت و په ته بلای بیت، من زانین ایش تهی رمگی سراوارت، آتهی کدرا نه زانت.

ای ورا کدوول شوانگا هم گوازی و ریپی دات، ای نخشه کدو ولی مجگانی کاری نه ات بلکین هما وان که تومی کورم کرته تنت وخت و نا وخت په آیی کولو دیم دانتت و جخت کرتنت که اگه کسی شه چنارا خیردیست و ته اشته تی، اما زانن و ته.

بهار آخر بوت و لواهم پدی شت، تیرماهی اولسرا آشنا کدویی بلگ کم کم زرد وحشک و تیرماهی میانجینا شه بن وریشگا حشک بوت، تیرماهی گد سرئ سردین گوات، ولی چور (چورگ) وهورکین کدوانا جالگا پرینت، هورکین ناز دانگین کدو ډیل وارنتت و رودی تنها کپنتت و تچوکین آب آوانا گون وت برت تا که شه کدوا رندو پدی نه بوت مگه چنار هماورا سربرز وتی نپادا اوشتات.

روباہ وشگال که کدو توما غوجته تنت مخسدش ایش ات که په چنارا تاوان برسینت، آپکر کرتنت که کدوول وترا به چنارا لپیچ دنت و په رودگ و مزن بوتنا نیلیت، مگه چوش نبوت و کدوول وتی جندی سرا وار.

### معلمی تج و تاک:

- \* وانندگان گسویین کارا بچاریت، نوکین سبخی سرگالا به تختی دیما بلکیت.
- \* سبخا په برزین تواری بوانیت.
- \* نوکین گالانا گون آوانی مانا به تختی دیما نمشته بکنت.
- \* شه وانندگان بلوتیت که بشکننت، رندا جستانی پسوا بگشت، سی وانندگ په رون چیزیکه دیماشه جستان اوشکته شه بر په برزین تواری بگشت.

## واندگاني تڄ وٽاڳ:

- \* سبڄا بشڪنت ونوڪين ڳالانا ڳون مانايش شه تختي ديما به ڪتابچها بلڪنت.
- \* دو واندگ په رون نوڪين سبڄا په برزين تواري بوانيت.
- \* واندگ سي بار بنت و ڳون وت په اي سبڄي باروا هبر بدينت.
- \* شه هرباري يڪ واندگي چيزيڪه اي سبڄي باروا شه وتي همراڪان زرتو وزانت به وتي زوانا په دگران بگشيت.
- \* واندگ به اوشڪتن، جستاني پسوي داتن و شه بر پدوارگ گشتنا باره زورنت ووتي اوشڪتن و گشتني مهارتانا پرواڪه ڪنت.

## شه وت ڪرتن:

- عزتمدين معلم په ايشي ڪه شه وت بڪنت ڪه پراستي واندگ سبڄا په شري هيل زرتگنت اڳه نه شه آوان لهتين جسته ڪنت.
- ڪي بيدي چنار وڪدوولي آسمانڪا دڳه آسمانڪي زانت؟
- ڪي اي آسمانڪا هيل زرت؟
- آسمانڪي گشتن چي وهدا جوان انت؟
- سي جملو شه اي سبڄا ڳچين و په واندگان بگشيت، بارين شه برنمشته ڪرتڳه ڪنت.


ڪسوڀين ڪار:

اڳه به ڳسان دگري آسمانڪي زانت شه آبي بشڪنت و به وتي ڪتابچهان بلڪت، اڳه نه همي آسمانڪا شه ڪتابي ديما به وتي ڪتابچهان سيايگ بڪنت.

# وطن

## مخسد:

- واندگ سبځا بوانت.
- نوکين لبراني مانا بزانت.
- سبځي مفهوما گشتگ کنت.
- وطندوستي جذبگا ود بدينت.



## جست:

۱. افغانستان چنت سالگين راج دپتری واوندانت؟
۲. شه موزيمان په اما چه معلومه بیت؟
۳. اما په کي خدمات چارکه وتيار اوشتاتگن؟
۴. وطنی ساتن کی وظیفه انت؟

امی وطن افغانستان انت. وتی وطن چوساها دوست دارن. راج دپتر گواهیه دنت که افغانستان شه وت چنت هزار سالگين تاريخی واوند انت. ای هبرئ ثبوت کابل، هرات، کندهار، بلخ، ننگرهار و نیمروزو دگه بازين ولايت انت که سرپاچين موزيمانی وړا امی پس وپيروکانی گوستگين مزن شانين دوروباريا سارا کنت.

امی وطن مزین کان و کنهپی چو: سور(طلا)، مس، لاجورد، زمرد، لال، کوله، نپت و گیسی (گازی) واوند انت، هرات و پروانی انگور جهان ډا انت. کندهاری انار بی درور انت، بلخ کندز و بغلانی تروک و کوپگ، هلمندی پمگی برو حاصل نام وتوار داریت، ننگرهارى نارنج، سمنگان و زابلی بادام، باغستی پسته، پکتیا، کمر و نورستانی جلغوزه و لپت ودار شه

الاسيا نه انت، مال داری و قره قلی زائی پس و بلوچین پس واشتر نام دارنت، دست گواپی  
چوغالی و کونپ، اورجین، گوالگ و تورگانی گوپتن شه زیرین صنعتان انت.  
امی وطنی رییدگ کار، ادیب، شاعر و نویسوک و سیاست زانت په وتی دود و رییدگا  
فخر و بالگی وړی کوشست و تلواسگ کرتگنت.

اما وتی وطناسک دوست دارن و په آیی ساتن، نام و توار و ترخی و آباتیا په هر دابی  
خدمتا چارکه و تیارن. ای هندو دیار په وتی مچین نندو کین مردمان سک گران و عزیز  
انت و په آیی ساتن و آباتیا په وتی جانانی ندر کنگا تیارن.

هر چنت بییت شردگری ملک و دیار آبات و جهان جل و مزن نام و توار

شہتی بتچنت جو و لکین په نصیر

شرترچه جهانانت وطنی حشکین دار

به وطن اما مچانی پت و عزت ساتنگه بیت دگه آیی ساتن هم امی مچانی وظیفه انت.

### معلمی تج و تاگ:

\* وانندگان گسویین کاری سروسوجا کیت، سوگه وراهشونیه کنت.

\* دیما شه سبخی بنا بوتنا هما جستانا شه وانندگان سوجه کنت که به سبخی برزگا  
نمشته انت.

\* سبخا په برزین توار و انیت.

\* نوکین گالانا گون مانایش به تختی دیما نمشته کنت.

\* په وانندگان اوشکتنا لهتین جمله گشیت، رندا شه آوان جسته کنت.

## واندگانی تچ و تاگ:

\* سبغا بشکننت و نوکین گالانا گون مانایش شه تختی دیما به وتی کتابچهان بلکننت.

\* دو وانندگ په رون سبغا په برزین توارى بوانیت.

\* وانندگ سئ بار بنت و گون وت په وطنی باروا هبریدینت.

\* شه هرباري یک وانندگی چیزیکه په وطنی باروا هیل زرته په دگران بگشیت.

\* چیزیکه معلم په اوشکنا گشته په شری اوشکیته، جستانی پسوا بگشنت، سئ وا

ندگ په رون چیزیکه دیما شه جستان اوشکته شه بر په برزین توارى بگشیت.

## شه وت کرتن:

عزتمندین معلم په ایشی که شه وت بکننت که بارین وانندگ سبغا په شری زرتگنت اگه نه شه آوان ای جستانا کنت.

- وطن کی لوگ انت؟

- وطن په کی دوست انت؟

- وطنی ساتن کی وظیفه انت؟

په وانندگان سئ جمله گشیت که شه برنمشته بکننت.

گسویین کار:

وطنی هما ولایتانی نام و پیداوارانی ناما به وتی کتابچهان بلکننت که به ای سبغا وانتگنت.



## جمله

### مخسد:

- واندگ جملا درست کنت.
- واندگ جملي بارانا بزانت.

### جست:

- ۱- جمله چيوا گشت؟
- ۲- جمله چنت بار داريت؟
- ۳- جملي بارانا بگشت؟

جمله بازين گالي را گشت که مخسدي را روش و درا کنت و دو بار داريت بنگيج و گزاره.  
بنگيج:

بنگيج جملي آ بارا شنت که آيي باروا گپ و هبره بيت، چو: چاکرو گهرام  
شارا شوتنت، ايدنا چاکرو گهرام بنگيج انت.  
لاداد شه تماکا بسده بارت.  
من وته پهلائي ندارگا رون.  
گزاره:

گزاره جملي هما بار انت که بنگيجي باروا بيت، چو: بالاچ و ميرداد گسا  
شوتنت، که گسا شوتنت گزاره گشتگه بيت.  
من، ته و آ لوگا رون.  
مراد مکتبا الاس کرت.

## معلمی تچ و تاگ:

- \* په واندگانې پکړی نر آورتنا، دیمما شه سبخی بنا بوتنا شه آوان لهتین سکین (انگیزه) دیو کین جست بکنت، ای جست به سبخی سرگالی جالگا، رندا شه مخسدا به هر سبخی آتکنت.
- \* سبخا په برزین توارې بوانیت.
- \* نوکین گالانا گون مانایش به تختی دیمانمشته بکنت.
- \* په آوان مطلبی بگشیت که په شری بشکنت، جستانی پسو بدینت، و گله سرا شه بر په برزین توارې بگشنت.

## واندگانې تچ و تاگ:

- سبخا بشکنت و نوکین گالانا گون مانایش شه تختی دیمما به وتی کتابچهان بلکنت.
- دو واندگ په رون سبخا په برزین توارې بوانیت.
- واندگ سی باربنت و گون وت په جملی باروا هبر بدینت، شه هر باری یک واندگی چیزیکه جملی باروا شه وتی همراکان اوشکته په دگران بگشیت.
- واندگ که مطلبی شه معلما په شری اوشکتگت جستانا پسو بدینت و سی واندگ په رون چیزیکه دیمما شه جستانا اوشکته شه بر په برزین توارې بگشیت.

## شه وت کرتن:

- په واندگانې شه وت کرتنا، شه آوان جست بکنت.
- کی جملی تعریف کرتگه کنت؟
- کی په وتی وش دو جمله گشیت؟
- شه واندگان لویتیت که دو دو جمله به وتی کتابچهان بلکنت.

گسویین کار:

عزیزین واندگ چار جمله به وتی کتابچهان بلکنت و بنگیج و گزاره به آوان نشان. بدینت.

## پنت

### مخسد:

واندگ سبغا بوانت.  
سکین گالانی مانا بزانت.  
سبخی مانا به وتی زواناگشتگ بکننت.  
پنتی پیدگ وکتا بزانت.  
به وتی زندگیا پنتانا عملی کننت.

### جست:

۱. کئی پنتی زانت؟
۲. پنتانی وائن و اوشکنن چه پیدگی داریت؟
۳. پنت په اما چه درده ورننت؟
۴. لقمان حکیمی پنتانا اوشکننت؟

### چنت پنت شه لقمان حکیم

۱. خیرئ کارانی تها چن ولانچ داشتگ بی.
۲. ورنایی کدرا بزانت.
۳. کاسی وتی کیتوا خرج بکن.
۴. مچین کارانی تها میانه روبیی.
۵. ماس و پسی کدرا بزانت.
۶. جوان مردییا دیما بگر.
۷. مهمانی خدمتا په شری بکن.
۸. کسی لوگی تها که پترتی چم و زوانا بسات.
۹. پُچ و جونا پاک بسات.
۱۰. پُسگا علم و ادب یات بدی.
۱۱. اگه وسی داشتئی وتی چکا تیری جنگ و سوار کاریا هیل بدی.

## معلمی تچ وناگ:

- \* سرا شه مچان وانندگاني گسويين کارا بچاريت، سوگه وراهشوني بکنت.
- \* په وانندگاني پکری نزينک کرتنا ديما شه سبخا شه آوان لهتین سکين (انگيزه) ديوکين جست بکنت، اي جست به سبخی برزگا به مخسداني جالگا لکنگت.
- \* سبخا په برزين تواري بوانيت.
- \* سبخی نوکين گالانا گون آواني مانا به تختی ديما بلکيت.
- \* کسانين مطلبي په وانندگان بگشيت و شه آوان بلوټيت که په شري بشکننت، جُستاني پسوا بدينت، گسرا سی وانندگ په رون چیزیکه ديما شه جستان اوشکته شه برپه برزين تواري بگشيت.

## وانندگاني تچ وناگ:

- سبخا بشکننت و نوکين گالانا گون مانايش شه تختها به وتي کتابچهان بلکننت.
- دو وانندگ په رون سبخا په برزين تواري بوانيت.
- وانندگ سی بار بنت و گون وت په پنتی باروا هبربدينت.
- شه هرباري یک وانندگي چیزیکه شه وتي همراکان اوشکته په برزين تواري په دگران بگشيت.
- شه هرباري یک وانندگي به تختی ديما یک جملی بلکيت.
- وانندگ هما مطلبي بارواجستانا پسوبدينت که معلم صاحب په آوان گشيت.
- سی وانندگ چیزیکه ديماشه جستان اوشکته يکوار دگه شه بر په برزين تواري بگشيت.

## شه وت کرتن:

- عزتمدين معلم په وانندگاني شه وت کرتنا که بارين سبخا په شري هيل زرتگنت اگه نه شه آوان سوچ کنت که :
- کی لقمان حکيمي پنتانا شه کتابی ديما وانيت؟
  - کی اولي سی پنتی باروا هبر دانگه کنت؟
- شه سی وانندگالوټيت که به تختی ديما برون و یک یک پنت که په آوان گشتگه بيت نمشته کنت.

گسويين کار:

اي سبخی پنچمي پنتا بوانت و باروی پنچ کشکی کاسا نمشانکي بلکت.

# سول

## مخسد:

- وانندگ سبځا بواننت.
- سكين گالانى مانا بزانت.
- سبځى مانا گشتگ بكننت.
- شه سولئ نپ و كټا سى پنت.
- به سول و امينين زندگيا دلگوش بكننت.



## جست:

۱. كئى سولئ مانا زانت؟
۲. سولئ نپ و كټ چى انت؟
۳. جائيكه سول مه بيت مردمانى زندگى چون انت؟
۴. كئى په سولا اړ انت؟
۵. پچى بيد سولا زندگى سك انت؟

سولئ مانا آرامى و آسودگى انت، بنيادم سولئ تونگ انت جاگهئى كه سول انت، نندوكى و شال و آسودگ انت و په وت ووتى وطن تلو سنت. جاگهئى كه اودنا مپرو جنگ راهدگنت نندوكى گون سكى وگرتيا ديم په ديم انت و آرامين زندى ندارنت. مئ وطن افغانستان، شه مړگا بازسكين تاوان ديستگيت مئ مخلوكانى لوگ بيران بوتگنت، نارو جويش دم گپتگنت، باگش حشك بوتگنت، مالش تاوان ديستگنت. پميشا په سولا باز اړ انت پرچى كه گون جنگان وتى نازاكين ورنه و مردمانا شه دست داتگنت، سرك و راهش بيران بوتگنت، پليش دلتگنت و گلدپين هبرائش كه الك و ده و شارش بى داگ و دروش نه منتگنت.

افغانستان امی مچانی هورین لوگ انت، بایدانت مچین هم وطن ای گسی تنها په سول بگو ازینت. مړ و جنگ داشتگ مه بنت ووتی نیامی سکی و سوری و اختلاپانا گون گند و نند و گپ وهبرا بحلاینت و و ترایکی آدگری براس و گهار بزانت.

سولئ چپ جنگت، جنگ بازین تاوانی په راجا رسینیت، جنگی آسرایشنت که نه تانکابه وطن لنگ و لاش و بی دست و پا دگیش بنت بلکین بازین کهولی وتی یکین نان آروکا هم شه دستا دنت و بی واونده بیت، گدان ای کهولی گونده و جنین زاگانی گله سرچونه بیت؟ آ اړ بنت ټک جم کننت و مان کوچه و بازارا دست پیش کرته، شه هر کس سوال بکننت تا که نماشا لنکه و دپاری نانی په وت بریر بکننت.

ای کهولی کسانتر به چوتین راها برتگه بنت و به پساتا کشاینتگه بنت و شه آوان په مخدرین چیزانی غچاغی و بها کنگ، پل و لټ و دگه ویلین کاران کت گرننت یا که اندامیش به دگه نادرهانی سرا که ضرورت دارنت بها کننت، جنگ و چرپ، پل و کار جاهانا دالیننت، دُرا جا و مکتبانا بیران کننت، بندو جو هانا دم دینت، پمیشا سالی تنها یک روچی که سپتامبری ۲۱می روچ انت، به کابل به ای ناما که (وطن په سولا اړ انت، اما سوله لوټن) ټو و مزین مچی جوړه بیت و په سول و آرامی پیدگ و کتھی باروا هبر داتگه بیت سولئ روچ تانکا به افغانستان نه، بلکین به مچین جهاننا دودگپتگه بیت، به چنتی سالابه امی وطن بازین بُنیادمی گشتگ بوت، بازینی دگه ټپی و عیبی بوتنت، بازین نازاکین گونډین زاگ شه وتی پس و ماسانی پر مهرین سایگا بی کوت و بار بوتنت، مکتبانی ماری گون بم و پشنگان دالینتگ بوتنت و امی وطن شه ترخی و دیما روگی کاروانا پش کپت.

اما په سول و امنین جاوړوحوالتی باز سک اړ ان. سول و آرامی نه تانکا په اما اهمیت کرز انت، بلکین مچین آدمیزات سول و امنی واهگ و ارمانا انت. پمیشا سپتامبری ۲۱ می روچ شه ملل متحدئ سازمانی نیمگا سولئ روچ جار بوتگیت.

### معلمی تچ و تاگ:

- \* واندگانی گسویین کارا بچاریت، سوگه وراهشونی بکننت.
- \* دیما شه سبخی بنا بوتنا په واندگانی پکری نرینک کرتنا، شه آوان سکین دیو کین جستانا که به سبخی برزگا نمشته انت سوج بکننت.
- \* سبخوا په برزین تواری په واندگان بوایت.
- \* نوکین گالانا گون مانایش به تختی دیما نمشته بکننت.

\* کسانين مطلبی په واندگانې اوشکتنا بگشیت، مطلبی باروا شه آوان جست بکنت که شه برېگشنت، گپسرا شه سئ واندگا بلوټیت چیزیکه دیما شه جست اوشکتنت په رون شه بر په برزین تواری بگشنت.

### واندگانې تچ وټاک:

- دو واندگ سبڅا په رون په برزین تواری بوایت.
- واندگ سئ بار بنت و گون وت په سولئ باروا هبربدینت.
- شه هرباري یک واندگي په رون چیزیکه شه وتي همراکان په سولي باروا اوشکتته په دگران بگشیت.
- واندگ هما مطلبی باروا جستانا پسو بدینت که شه وتي معلما اوشکتنت، رندا سئ واندگ مطلبا که معلم په آوان گشته شه بر په برزین تواری بگشنت.

### شه وت کرن:

- عزتمندین معلم په واندگانې شه وت کرتنا که بارین سبڅئ مانا په شري زانتگنت اگه نه شه آوان جست بکنت.
- سول په واندگان چه پایدگ وکتې داریت؟
  - اگه سول مه بیت چونه بیت؟
- په واندگانې نمشته کرتنا په سئ واندگا شه سبڅئ تها سئ جمله بگشیت که به تختئ دیما بکنت.

گسویین کار:

واندگ اي سبڅئ اولي بارا به وتي کتابچهان بلکنت و شه برکنت.

# انترنت

## مخسد:

- واندگ سبځا بوانت و بلكنت.
- سكين گالاني مانا بزانت.
- شه انترنتي كدرا سي بنت.
- به كمپيوتر و انترنتي كار مرز كنگا خوبگرت.



## جست:

- انترنت گجايين لوزوگالي انت؟
- به افغانستانا شه انترنتا كار گرگ كدي بنا بوت؟
- به افغانستانا انترنتي رابطه شه چيي راها بريره بيت؟
- انترنتي زانگ په اما چه پيدگ و كتي داريت؟

انترنت انگريزيين گالي انت و ماناي (دُر اين جهاني دام) انت و مچين جهاني كمپيوتر گون آبي گرین و ارتگنت مگه مچي بي واوندانت. اگه همي توهين جهاني يك دمگي مردم، گون انترنتا لچتگ بنت، گون وتي دوستان به اي جهاني هر دمگي كه بنت گپ و گال كرتگه كنت.



انترنت، سرید بوهگ و مالوماتی دُرستین جهانی انت، درگتی که کسی تهی پترت کاسی وت کُپیه کنت و وتی وش و پسندین چیزانا، دستا کاریت.

انترنت به ۱۹۶۹ سالاکون امریکای دفاعی شعبه‌ی کمپیوترانی، یکی گون آدگرا و رنداگون دگه دپترانی کمپیوترانی لچینگا ودی بوت، به انترنتا ته انون، بازین پروگرام جوړ بونگیت و انگته جوړ بوهان انت که مچانی مسترین چمگ، انترنتی ایمیل (گروکین پوست) او شمار بیت، انترنت هر روچ وتی ترخی و دیما روگی راها نوک نوکین چیز ودیه کنت.

چنت سال پیسرا به انترنتا، تانکا کولو و پیگام دیم داتگه بوت، مگه نون تیفون، تلویزیون، رادیو و هرچیز به دیمی کیت، مروچی گشگه کنن که انترنت بین المللین سیستمی نام انت که جهانی مچین کمپیوترانا یکی گون آدگرا لچینیت.

انترنتی کپ تانکا تیفون کنگ، تلویزیونی چارگ و رادیوی او شکینگ نه انت بلکین شه آیی راها سوداگری همه بیت و زری دیم دیگ شه دنیای یک نیمگی به دگه نیمگی آهم به بازکمین وهدی بیت، گون وتی دوستی گپ و هبر کرتگ و جندی هم دیستگه کنن، آیی اماره هم گندیت، همی ورا گون انترنتا شه دنیای حال و احوالا باز زوتی سی بوتگه کنن.



مروچی به افغانستانا، ای جوړ کُرتگین ماه انت که انترنتینین رابطا ودیه کننت، انترنتی کمپنی بُرزگا جوړ کُرتگین ماه اوشتا رینتگنت که مزین سرډگاری را پوشگی چیرا دارنت. سوجی ودی بیت که به افغانستانا انترنتینین رابطه چون گون جهاننا سکه بیت؟

انترنتینین بنجاهی که مان ولسوالیا انت گون ولایتی انترنتی بنجاه و ولایتی انترنتی بنجاه گون کابلی انترنتی بنجاه و کابلی انترنتی بنجاه گون بُرزگی جوړ کُرتگین ماهان لچتگیت وای جوړ کُرتگین ماه گون دنیای مُلک و وطنان رابطه اش جوړ انت په آسانی اما گون وتی دوستان رابطه گپتگه کنن، اما شه هر جای گون ستلایتی انتنی توانن که به انترنتا بلچن که ای آسانی په تیلفونا نه انت، اگه به یک هندی تیلفونی آنتنی مه بیت، خطه نه دنت و رابطه جوړه نه بیت.

سروارا که انترنت به امریکا ودی بوت، تانکا چار کمپیوترا لچینت مگه مروچی گون انترنتا دُرستین جهان گون وت لچتگیت.

به امی عزیزین وطن افغانستان ۱۳۸۱ ساله انترنت کارا بناکرت و مروچی به ۳۴ ولایت و لهتین ولسوالیا انترنتی امکان و دی بوتگیت.



بوتگه کنت گون انترنتا مردم بیدی ایشی که په وتی دوست و همراکی کولوی دیم بدنت یا پسوی بدنت، گپ و هبربکنت، حال بوانیت و په یک چیزی پت و پول هم بکنت یا وانندگی وتی آگسویین کارا که معلم آیرا داتگیت گون انترنتی کمکا تسربرسینیت.

مروچی گشت که دنیا چو یک الکی انت. یا نی زوتی مردم شه هر چیزی که مان دنیا ها دپ وارت، سهیه بیت، هر نیمگی فوتو، کولو و پروگرام، کمین وهدی گون کمین خرچی دیم داتگه کنت.

انترنتی زانگ، مردما به تاجری و سوداگری کاران باز کمک کنت، شما بچارت، چنت وهده دیما اگه شما چنت کیشکی خطی بلکتینیت و به دورین ملکی په وتی دوستی دیم بداتنیت، بازین زری بایدنت تکس بداتینیت و چنت وخت رندا شمی دوستی دستا کپت، مگه مروچی شه انترنتی راهاگون باز کمین خرچی کمین وهدی هر جا که بلوتی رسینی. میلادی ۲۰۰۰می ساله کاسی ۳۰۰ ملیون مردما شه انترنتا کپ گپت و به امی وطن افغانستان کسی نه ات و اگه ات هم لهتین مردم کاسی دستی پنجلکان ات که به انترنتا دسترسی داشت، مگه مروچی به امی وطنی دور دستان هم مردم شه آیی کپ گرت.

### معلمی تچ و تاگ:

- \* وانندگانی گسویین کارانا بچاریت و سوگه و راهشونیه کنت.
- \* په وانندگانی پکری نزنیک کرتنا دیما شه سبخوا شه آوان لهتین جستانا که به سبخی برزگا آتگنت سوچه کنت.
- \* په وانندگان کسانین مطلبی گشیت و شه آوان لوتیت په شری بشکننت، جستانی پسوا بگشت، گلسرا سی وانندگ په رون چیزیکه دیما شه جستان اوشکته شه بر په برزین توارې بگشیت.

## واندگانی تچ و تاگ:

- سبڤا بشکننت و نوکین گالانا گون مانایش شه تختها به وتي کتابچهان بلکنت.
- دو وانندگ په رون سبڤا په برزین توارې بوانیت.
- وانندگ سئ بار بنت و گون وت په انترنتئ باروا هبر بدینت، شه هرباري یک وانندگي چیزیکه به وتي بارا په انترنتئ باروا اوشکته په دگران بگشیت.
- هما مطلبی بارواجستانا پسو بدینت که معلم په آوان گشتگیت.
- سئ وانندگ په رون چیزیکه دیما شه جستان اوشکته شه بربگشیت.

## شه وت کرتن:

- عزتمندین معلم په وانندگانی شه وت کرتنا که بارین سبڤا په شري زرتگنت اگه نه شه آوان جسته کنت.
- کئ انترنتئ پایدگ و کتانی باروا هبر دانگه کنت؟
  - بارین شه انترنتا تاجر و سوداگر هم کار گپتگه کنت؟
- همي راز په وانندگانی لکتئ گه بودیا په سئ وانندگان یک یک جمله شیت که به تختئ دیما نمشته بکننت وبواننت.

## گسویین کار:

په ایشی که وانندگ شه انترنتا چون پایدگ و کتپه گرتن مطلبی نمشته کنت که شه چار کشکا کم مه بیت.

# نام و آبي ڊول

- **مخسبه:** واندگ بزانت که نام چيوا شنت .
- نامی ڊولانا بزانت.

## جست:

- ۱- نام چيوا گشتت؟
- ۲- نام چنت ڊول انت؟

نام هما گال انت که گون آبي مردم، حيوان و چيزي نام گپت و درگيتگه بيت، چو:

- ۱- مرد، جن، ماس، پس، براس، گهار، بيبرگ، هاني، مرید و دگه.
- ۲- اشتر، مرگ، مورينک، گوک، کر گوشک، مار.
- ۳- گس، کدوگ.

## نامی ڊول:

نام شه چار چيزی ديما بار کرتگه بنت :

- ۱- شه جنسي ديما.
- ۲- شه اشماری ديما.
- ۳- شه جوړ بوگی ديما.
- ۴- شه ماناي ديما.

نام شه جنسي ديما دو ډولا انت.

نرين، چو: مرد(مردين زاگ) بچک، نريان

مادگين، چو: جن(جنين زاگ) جنک، ماديان

به بلوچي زوانا نرين و مادگين شه ناماني ديما انچو زانتگه بنت، چو:

نرين گورگ، نرين پس، مادگين گوک، مادگين شنک و دگه

همي وڍا گون خاصين نامان، مُرگ ومالاني جنس توپيره بيت، چو:  
 پس: پلاٽ، ايبور، گرانڊ، گٽور  
 بُز: مُروشڪ، پاچن، گناچ، بُز  
 اُشتر: ليڙه، لوڪ، ڍاچي.  
 گوڪ: لمش، نوچ، ڪاريگر، گستر  
 مُرگ: ڪروس، ماده مرگ، نوڪڪ (نوچڪ).  
 هر: لاگ، تايي.

### معلمي تڇ وٽاگ :

\* وانندگاني گسويين ڪاري سروسوجا بگيت، آوانا سوگه وراهشوني بڪنت.  
 \* په وانندگاني پڪري نزاورتنا ديما شه سبخي بنا بوتنا شه آوان هما جستانا سوج  
 بڪنت كه به سبخي برزگا آتگنت.  
 \* سبخا په برزين تواري په آوان بوانيت.  
 \* سبخي نوڪين گالانا گون آواني مانا به تختي ديما نمشته بڪنت.  
 \* ڪسانين مطلبي په وانندگان بگشيت وشه آوان جست بڪنت، رندا شه سي  
 وانندگان بلوتيت كه په رون چيزيڪه ديما شه جستان اوشكتگنت په برزين تواري  
 بگشت.

### وانندگاني تڇ وٽاگ:

- سبخا بشڪنت و نوڪين گالانا گون مانايش شه تختي ديما به ڪتابجهان بلڪنت.  
 - دو وانندگ په رون اي سبخا په برزين تواري بوانيت.  
 - شه هربراري يڪ وانندگي چيزيڪه په نام و آيي ڍولاني باروا اشڪته په دگران بگشيت.  
 - وانندگ اوشڪتگين مطلبي باروا جستاني پسوا بگشت.  
 - سي وانندگ په رون چيزيڪه ديماشه جستان اوشڪته په برزين تواري بگشيت.

## شه وت کنگ:

عزتمدين معلم په ايشي که مالوم بکنت که وانندگ سبڅا په شري زرتگنت اگه نه شه آوان جست کنت که:

- به بلوچيي زوانا نرين و مادگين شه ناماني ديما چون زانتگه بيت؟

- نام شه جنسئ ديما چنت وړا انت؟

همي راز کسانين مطلبي په وانندگاني نمشته کرتنا گشتگ بيت که آواني نمشته کرتئ وس وواک روش بيت.


گسويين کار:

ای سبڅا به وتي کتابچهان بلکت وشه برکنت.

## شہتی گودر

### مخسد:

- وانندگ سبھا بواننت.
- سکین گالانی مانا بزانت.
- سبھی مانا گشتگ بکننت.
- شہتی گودرا درست کننت و ساتنی بزانت.



### جست:

۱. چنت رازی گودرا درستہ کننت؟
۲. شہتی گودر چه پیدگ و کتی دارنت؟
۳. شہتی گودر چونین نظمی دارنت؟
۴. به شہتی گودری کھولی تھا چنت رازی گودر دیستگہ بیت؟
۵. شمی ہلکا کسی شہتی گودرہ ساتیت؟


گودر بالدارین جاندارای انت، بازسک تلوسیت و پہ وت خوت و ورگی مچہ کننت گودر چنتی پول انت، یک رندیش پوانت کہ گوک گودر شنتش و آسهورانت وزر دین کشک وتی میان سرینا دارنت، ایش اگہ شہتی گودر کہ تر می نز کارنت گیریش بیانت گرننت و وتی جلا برنت و اودناورنتش، ای گودر مردما نکه جننت و پہ وت کونڈ سندننت، آ وتی نیپا دا دیوالانی تھا یا کہ پگاری تھا درہ گیجننت، ایش اگہ گون دگہ زندگ جانی نکی کپنتت، سندننتش، ایشانی نیش به

دمیش و جور که به دمیش انت شه هم نیشی راها چو سوچنی جای را که بچژیننت به زندگ جانی تها پتریننت.

دگه رندیش کسان انت و کار کنوک و زحمتکش که شهتی گودر شه همیشانی ډولا یکی انت. شهتی گودر دایم و په باز ترندی هر نیمگی گردوک انت، پهل و چمندانا پتوک انت، هر هندی که پهلای بگندنت و بزانتت که تیرمی داریت و وشین بوی و اوندانت بس سری جُکنت و شیر گیش یا تیر میش چوشنت و برنت مان و تی جلی تها ریچنت.

شهتی گودر شه نیوگانی تیرمییان هم نزه کارنت مگه و ترا پاک ساتنت و لئار نکنت، اگه گجام گودری و ترا پاک مه ساتیت پادگی یا بانزلی کچت بیت، درگتی که وتی نیپادا بیرگردیت، پیره دار آیرا ازم نه دنت که کندویی تها پتریت، ای گودر خاصین نظمی دارنت، ایشانی نیاما گسی کار بار و چانتت انت، یک گروپی سرمچارانت، دگه گروپی گسی کارا نا کنتت و ملکه به سریش چاره وارت و شه کارانش چاری گریه کنت.

هوا که باز سرد بیت یا که باز گرم، اولسرا دره نه بنت و دوهمی رونا یانی گرمین و هده مچی بید ملکه و پیره داران دره بنت و جلی دپا کولتو بنت. زمستانی رو چا که گرما شه هشت درجه برزتر بروت دره بنت و کاسی ۲۰ کیلومترا دور شه وتی جلا په تر میاگر دنت. شهتی گودر جکانی پلانا که تیرمی باز دارنت دوست دارنت.



شهتی گودر شه پلی که تیر میش تهل انت یا گندگین بو دار انت جینت ووترا دور کشتت شه ایشی زانتگه بیت که آ گندگین بوا وش نه دارنت. شهتی گودر تیرمی که په وت پسان کنتت هما پیرا په ته هم پیروزو داریت یا نی انچو نه انت که جوانین و بودین بی غیشین تیر میا نا په وت چیر بدنت و بدلینانا په دگران بلیت.

ایش په مشما مزین مالوماتی انت، نشانه دنت که ای کسانین جاندار که اما آیرا شهتی گودر ه شن به وتی زندگیا، جوانین نظمی واوند انت. ناهودگ و ویلین تچ و تاگی نه دارنت که شه آیی گندگین آسر ونتیجی مانیت بلکین به مچین باران په دلگوش چارنت.

شهتی گودر اقتصادیین مزین کتی دارنت، خرجش کم انت و کتتش باز و رودینگش هم آسان انت، پکت آهن و لئیین صندوقی کار دارنت و په جلی جوړ کنگا نیما دوکمی موم، گودرانی کهولانی گیشینگ هم سکین و تویین کاری نه انت، صندوقی تها جلانا گیش کنتت و سالی تها یک وار کهولا نیمگ کرته و جلانا دو صندوقی تها کلنت یا نی یک صندوقی را دو صندوق جوړه کنتت آصندوقی که ملکه داشتگ مه بیت دگه شه وتی نیاما یکی را گچین کرته، ملکه جوړ کنتت، ملکه شه دگه گودران مسترانت و تانکا همی ملکه انت که آمورگ دنت که باز چوکو بو ته



ورندا شه ٿو بوهگا گودر بنت، وهده كه جل شه تيرميا پر بوتنت گودراني رودينوڪ آوانا گون دستگاها شه جلاني تها كشتت و پدا شه هورڪ ڪنگا پدوارگ به جاگه ڪلنت و مچ ڪرنگين تير ميانا ساپ ڪنتت و گپان ورنٽ يا بها ڪنتت و په گودراني زمستاني خر جا بوره تهى ريچنت، پرچي كه گودر تانكا وشي ورنٽ و بس.



ايشا بايد انت مه شموشن كه شهتئ گودر دير وهده انت كه شه بنياد ماني نيمگا درست بوتگنت و شهتئ مزگ و خوند و ڪٽا شربيا زاننت، چنت وخت پيسراشه مصرى فرعونئ گورئ تها شهت و دى بوت كه ته انون هم اى شهتئ رنگ و تام بدل نبوت.

به عربين ملڪان هم ديم شه اسلاما شهتئ گودر ساتگ و رود ڀنگه بوت و اسلام هم سوگه

ڪرته كه شه گودرى وشين شربتا په علاج ودرمان ڪنگا ڪٽ بزورت، اى گودر چو بنيادمانيا كهول دارنت و شهتئ گودرئ كهولئ تها سئ تبكه يا سئ وري گودر ديستگه بيت.

۱- ملڪه، يڪ دانگ.

۲- نرين گودر - ۱۰۰ تا ۱۰۰۰ دانگ.

۳- ڪارگر كه شه هزارا گپته تا چنت هزارا اشمارش رسيت.

اولى مادگيني، سومي هم نرينڪ مادگانٽ، پرچي كه آگون مادگا لورنه بنت، گودر نرينڪ ۱۵۰ مليون سال ديمترا ودى بوتگيت كه سرا هر گجامي تانكا ات و په وت جتايں جلى داشت.

شهتئ گودر چنتى ڊول انت، وتى ڪندوى تها په وتى براس و گهاران شهت ڪلنت، شهتئ گودر ۳ چم داريت همى ورا انتنى داريت كه گون آبي مدتا دگرانا په جا ڪاريت، ٽچڪين سنتى داريت كه گون آبي شه پلانى تها شهت نزه ڪاريت و ڪندويى تها برته هورڪ ڪنت.

شهتئ گودر ۴ بال داريت و شش پاد، نرين گودر ڪمى شه ڪاريان ڊڪ ترانت، اى گودرئ سربيا دو ڊڪ انت كه شه آوان آبي چو شيربيا دره جنت. گودرئ پلوى چيرا ۴ چپٽ ڊڪ انت كه شه آوان ۳ چپٽ موم جوڙ ڪنتت، همى ورا به گودرئ پلوا چنت چپٽ ڊڪ دگرانٽ كه گون آوانى ڪمڪا گودر بوا زاننت، پلوى چيرا ۳ چپٽ ڊڪ كه چو ڪيسگى انت په وتى جلان داريت كه تهى انت و روتنڪى جاگه انت.

ڪارين گودر ڪمى شه شهتئ نرين گودرا ڪستر انت. مان هندوستانا شهتئ انچين گودرى وديه بيت كه مزن انت ووتى جلا زولانى تها جوڙه ڪنتت و دايم لڊو بار دارنت و وتى جلا به درختانى شاخلوڪ و باشلوڪانى چيرا بندنت.

شہتی گودرانا بہ شاران بہ کندوانی تھا رودینت کہ زوت تہو بنت، جوان بو کرتگ بکننت، شہت دارین پلانا شریا پجا بیارنت، ناڈرای دیما بسگنت و چوکو باز بدینت۔  
شہتی گودر چنت ڊول دارنت کہ ایتالیایی، قفقازی، ہندی و وسطی اروپای شہتی گودر جہان ڊاہ انت و نام و تواریش برزانت۔

شہتی گودر لولوک جنت، کیتگ جنت و یک وری کرم ہم انت کہ مومانس وارت۔  
بنیادم کہ شہتی گودرئ کپ و پایدگا دیسنت، چن و لانچ کرتنت کہ آوانا ہیلو بکننت، ہمیشا پہ آوان کندو جوہ کرتنت تا کہ شہ آوان شرین کپ و پایدگی بگرتنت، نون پہ شہتی در کنگ و ساپ کنگا، نوکین دیما شتگین گران کیمتین ماشین جوہ کرتگنت۔  
بہ امی وطن گودرانی رودینوک، سالی تھا چنت جاگہ آوانا لڊو بارہ دینت۔ لوارا کہ هوا گرم انت، پل و ترمی بتگ کمتر انت، آوانا بہ سردین جاگہا برنت، ہمودا کہ پل بازانت۔ مخسد شہ ای کارا دو چیز انت یکی ایش کہ بازین گرمی سریش ناوہرین اثری نہ کنت، دوہم ایش کہ شہت و تیرمی گیشتر نز کارنت و زمستانا بہ گرمین جاگہان برنتش تا کہ شہ سردیا پا زاب مہ بنت و ہم شہ روچی نیمگا کہ هوا گرم بیت ڊنا پر کرتہ و پہ وت شہت و تیرمی نز آرتنت تا کہ خرچش کمتر بیت۔

### معلمی تج و تاک:

- \* واندگانی گسویں کارا بچاریت، سوگہ وراہشونی بکننت، شہ لہتین واندگا نام و آبی ڊولانا سوچ بکننت کہ مالوم بیت کہ سبخاشہ بر کرتگنت اگہ نہ۔
- \* پہ تیاری گراگ و واندگانی پکری نز آورتنا دیماشہ سبخاشہ آوان سکین دیو کین جستانا کہ بہ سبخی برزگا آتگنت سوچ بکننت۔
- \* سبخا پہ برزین تواری بوایت۔
- \* نوکین گالانا گون مانایش بہ تختی دیما نمشتہ بکننت۔
- \* کسانین مطلبی پہ واندگانی اوشکتنا بگشیت، شہ آوان ای مطلبی باروا جست بکننت و شہ سی واندگا بلوتیت کہ چیزیکہ دیما شہ جستان اوشکتگنت پہ رون شہ بر پہ برزین تواری بگشتنت۔

## واندگانی تچ و تاگ:

- دو واندگ په رون اي سبڅا په برزین تواري بوانیت.
- واندگ سی بار بنت و گون وت په شهتی گودری باروا هبر بدینت.
- شه هرباري یک واندگي چیزیکه په شهتی گودری باروا اوشکته په دگران بگشیت.
- واندگ هما مطلباً که معلم په آوان گشته په شري اوشکتگت، سوجاني جوابا بدینت وسی واندگ په رون چیزیکه دیما شه جستان اوشکته په برزین تواري بگشیت.

## شه وت کنگ:

عزتمندین معلم په ایشي که شه وت بکنت که واندگ سبڅا په شري هیل زرتگنت اگه نه شه آوان لهتین جسته کنت، جستانی پسوا کوشکنت و به پسوي پوره کنگاگون واندگان مدته کنت.


گسویین کار:

په شهتی گودری پایدگ و کتی باروا نبشتانکی که شه پنچ کشکا کم مه بیت بلکت.

# مالانی پیدگ

## مخسد:

- وانددگ سبغا بواننت.
- سکین گالانی مانا بزانت.
- سبغی مانا گشتگ کنت.
- گسویین مالی پیدگ وکتا بزانت.



## جست:

۱. گسویین مال گجام انت؟
۲. گسویین چنت مالی ناما گپتگه کنت؟
۳. گسویین مالانی ساتتنی پیدگ و کت چى انت؟
۴. آوهدان که انگته مال و حیوان هیل نه بوتنت شه آوان چون کت گپتگه بوت؟

بنیادم هزاران سال دیما، یانی وهده که مال و حیوان انگته هیلو نبوته تنت، گون آوان سرو کار داشتنت و آوانا شکاره کرتنت و گوشتیش وارتننت و شه پوستیش کت گپتننت، هر

چنکس که و ترا گون مدنیتا نزنیک کرته و کشارگریا بنا کرتنت به پهنا دئ په حیوانانی هیل دیگا هم چن ولانچ کرتنت تا که سویین بوتنت.

نون مردم مُرگانا چو:

آپی مرگ، بت، اوروسی و گسویین مرگانا گسی دپارودیننت. آییکه وس وواکی کشیت، دور تر شه لوگا مزین فارم جور کنت و آوانی گوشت و آمورگا بها کنت، خاص گسویین مرگی رودینگ و ساتن داب انت، مروچی کم انت چشین گسی و خاص مان الک و دیهان که چنت دانگ مرگ په وت مه ساتیت که آوانی لاپ شه گسی ریچوکان هم سیره بیت.

رندا شه مرگا، گسی دپا گیشتر مرین بزوگوک دیستگه بیت و بید شه آوان په وتی سواری و باری برگا، اسپ، حر وغاتره ساتنت.

اشتر پدا شه پسا گیشتر رودینگه بیت، مردم بگ دارنت و په آوانی ساتن و چاریی گرگا بگجت گرت، اشتر گیابانی مال انت،



اشتر دیر آپ وارت و بی آپی دیما سگیت، اشتر آنکس نه دوشنت تانکا په وتی ورگا و خاص آکسی شه اشتری شیرا گیشتر کته گیت که په علاج ودرمانا اړ بیت، گیشتر شه اشتری گوشت و پشما کته گرت.

بیدی ایشان گیابانین مال چو: آهو، کوهیین پس و بز به افغانستانی برزین کوهستگین جاگه و هندان باز انت، که باید انت په آوانی په شریین جل و جاه بوتن و ساتن اما مچین کوشست و تلواسگ بکنن، که په شری



ساتنگ بنت و اشمارش گیش بیت. به وطنی آپسرین سیم و دمگ و اشکن و نیزاران راز رازی بالی مرگ چو: آپین بت لگو، کمو، چور، سبز گردن و دگه باز انت که آوانی ساتن هم باز کتوک انت.



گسی دپا مالی ساتن چنتی کت داریت و کهولی پیه و هستیا برزه بارت شه مالی گوشت، شیر، روغن، پشم و موداکت گیتگه بیت، مرگی گوشت، آمورگ و پر مردمی دردا ورنت و شه آوان باز کت گیتگه بیت .



ناکو گاجیان جوانین شیرین پس داریت، پسی سالی تها دو وار زنک کنت، دوگشت بهار وتیر ماها. آوانی پشمانا چنت، بانوکی پشمانا ریسیت، رنگ کنت، تونی ایره کنت و

چیر گیج و تکی گوپیت و هم بیر دوک و لیپ و چیر سری جور کنت، پسانا دو شنت، تاجگ و بستگی ورنت، روگینی گرنت و اروت هم کنت. بید ایشی شه مالانی گوشتا هم باز ورنت. مالدار سالی تها لهتیش کشت، ونلیه کنت و وت هم ورنت، لهتیش باه کنت ووتی زندی دگه اړو ضرورتا نا پوره کنت.

بهارا به مارگوی پتا بالابنت، پرچی که گون اورانی گوارگا، پت سبز و شا بید بیت. لوارا و ترا به آپسرا نزنیک کنت یا نی رودانی دامون و اشکینی کرو دامونا وتی گیدانا جکه کنت که مالانی دوار، آپسر و چرگجاه گون وت نزنیک انت.

هلکی نندوک گوک هم دارنت که په آوان گوک چارین گرنت، گوک چارین تارینسرا گوکانا نز آورتگ و په چراگا دور دستا بارت و بیگاهی پداهلکا کاریتش وهر گوکی سراماهی تها وتی مُزا گیت.

په ایشی که امی هموطن په شری مال ساتنگ بکننت شه دولتی نیمگا به کشارگری کارانی پانادا به مالداری و مالانی جوانین ساتنا هم په شری دلگوش بوته و په مالداریی ود و دیما روگا هم کتو کین گام گیج تسر بوته و بینت و به وطنی گیشترکی ولایتان په مالانی په



شرین ساتن و نا دراییانی علاج کرتنا دپتر جور بوته که باز کتو کین تچ و تاگانا تسره کنت.

ایش پد در انت که نه تانکا شه مالانی گوشت، پشم و مودا پایدگ زورنت، بلکین شه آوانی امبارا هم مزین پایدگی زرتکه بیت. هما ډگاری که هر ساله کش بوتنه و سک بیت، په نرم کنگ و غُچاغ کنگی مالی امبار دینت، خاص سبست، پیماز، تماک و جواکه زوت برتگ بیت.

اگه مالداری گیشتر بیت، مردم آوانی دُرایی و علاجی سرا گیش تر دلگوش بنت، په آوان دُرَاجا و کلینیک هله کننت و نادُرایی و هده په علاج کنگا همو دا برنت، گهترین برو کتی شه آوان به دستا کیت. مال اگه علاج میت دگه بازین نادُرایی که حیوان و انسانی یگجا انت، زوتی مردما گیت و بازش کشوک هم انت چو: هُوکانی کولگ، مُرگانی کولگ و دگه.

شه ایشی که مردم مالداریا گیش کنان انت، آوانی زاتی بد لاینگی پکرا هم انت، کوشست دارنت که تومیش گهتر و گهتر بکننت، چیدگی پیمما گشتگه کنن که انچین پس و بُزانت که پشم و مودش بازانت، سالی تها دوچین دینت و گنجش هم کم انت یا که انچین مال است که زوتی رودیت و گوشتی بازانت و یا که دگه وړی که شیر و آپی گیشتر انت، یا که دگه نیمونگی زنک و بر زوت زوت و هرورای چوچگش بازانت. به امی عزیزین وطن، نون ماهیی رودینگ هم رواج ودی کرتگیت که گُرم سندنند و تچو کین آپاتهی راه دینت ساتنت و شه گوشتیش کچه گرننت.

### معلمی تچ و تاگ:

\* په وانندگانی پکری نزاورتنا دیما شه سبخا شه آوان لهتین جستانا که به سبخی برزگا آتگنت سوج بکنت.

\* سبخا په برزین توارې بوانیت.

\* نوکین گالانا گون مانایش به تختی دیما نمشته بکنت.

\* کسانین مطلبی په وانندگانی اوشکتنا بگشیت، شه آوان ای مطلبی باروا سوج بکنت و شه سئ وانندگا بلوئیت که په رون چیزیکه دیما شه جستان اوشکتگنت په برزین توارې بگشنت.

## واندگانی تچ و تاگ:

- سبغا بشکننت و نوکین گالانا گون مانایش شه تختها به وتي کتابچها بلکنت.
- دو واندگ په رون اي سبغا په برزین تواري بوانیت.
- واندگ سئ بار بنت و گون وت په گسویین مالاني باروا هبر بدینت.
- شه هرباري یک واندگي چیزیکه په گسویین مالاني باروا اوشکته په دگران بگشیت.
- واندگ هما مطلبا که معلم صاحب په آوان گشته په شري اوشکیتگت، جستاني پسوا بدینت.
- سئ واندگ چیزیکه دیما شه جستان اوشکته شه بر په برزین تواري بگشیت.

## شه وت کنگ:

- عزتمندین معلم په واندگانی شه وت کرتنا که بارین سبغا په شري هیل زرتگنت اگه نه شه آوان جسته کنت که:
- کئ گسویین مالاني پایدگ و کتئ باروا هبر داتگه کنت؟
  - گجام یکین شه شما گون گسویین مالاني ساتنا دلچسپی داریت؟
- همي راز لهتین جمله شیت که بلکنت و لکتنی مهارتا پرواک بکننت.

گسویین کار:

په گسویین مالاني پایدگ و کتئ باروا نمشتانکي بلکت که شه پنچ کشکا کستر مه بیت.



# ماس

## مخسد:

- وانندگ سبڻا بوانت.
- سڪين ڳالائي مانا بزانت.
- سبڻي مانا به وتي زوانا گشتگ بڪنت.
- ماسي ڪدرا بزانت.

## جست:

۱. آ ڪه امي سرا باز حڪ ڌاريت و ڪڌري بازانت ڪي انت؟
۲. خداوند(ج) ماسا چنڪس ڪڌري واوند ڪرته؟
۳. به زندا اولي معلم ڪي انت؟
۴. ڪي زاگا راه روگا هيله دنت؟

يڪي شه باز ڪيمتئين دانگان ڪه بي درورانت، ماس انت، خداوند(ج) آيرا ودي ڪرت تا ڪه بنيادمانى نبيروگ مان جهاننا مانيت و شه دگه سوني زاگاناگون وطنپاليي جذبگ و جوش برودينيت ڪه آوان گون اي جذبگ و مارشتا توبنت ڪه په ماسيين وطننا وترا ندر ڪرته و په ملڪي ديمري وديمپا نيا ژند نه بوهگين گام چست بڪنت.

ماس شپ و نيم نڌاريت، هر و هده ڪه زاگ بگريت، واب بيت اگه آگاه، ژند بيت اگه آسودگ، ڏرايت يا ڪه ناڏرا، سير بيت يا ڪه گشنگ، ڪسانين زاگا په باز دلگوش و دلسوچي ساتيت و سرو پاسري گيت.

اڳه ماس هرچونين ڪاري به ديما داشتگ بيت و هرچون دست گت و مشڪول بيت نه لوتيت و پيرزو و رواداري نه داريت كه آبي اولاد گون سكي و پازايا ديم په ديم بيت. پميشا خداوند(ج) ماسا راڪدر ڪرته و جنتي ڪليا دستي داتگيت و اڳه ماس زاگا بهيل مه ڪنت آبي ديما جنتي در بستگيت.

ماس په وتي زاگا نازينڪ و هالو و جي و جان شيت و وش وش آيرا هبر داتن و راه شوتنا هيله دنت. ماس وتي پُسگي باز نزيڪين غمخور و اولي معلم انت، آيرا ساتيت شيره دنت، رودينيت، وگون بازچيزان موتگ و مزنه ڪنت .

ماس زاگا كه روگاهيل نه انت، دستيه گيت و ڪرار ڪرار، گون آبي پادوك پادوك ديمايه روت، زاگ كه ناسرپدانت اڳه آچشي نزينڪا روت، ماس شه ترسا كه مه سوچيت، سري ڪو ڪاره ڪنت پدوي بي ووترا زوتي آيا رسينيت و شه آچا دوريه ڪنت يا كه اڳه ڪورچاهي نزينڪا بروت به جيگ و ترا آيا رسينيت و شه خطرا رڪاينيتي.

ماس وتي چم روڪا كه آبي زاگ بيت، سڪ دوست داريت، شپا ڪمتره و سپيت و چراگي روشنيا شه يڪ سوني آيرا جونته دنت و شه دگه نيمگي په آبي شير وانيت و پچه دوچيت و جامگي زنجڪ و آستونڪي دپ و جامگي ڪر و شلواي دپي جوانين پل پرينته و جوان ڊيل و ڊاليه ڪنت. اڳه زاگ ناڏرا يا ڪموروي ناساز بوت، دستي چنت رازي حڪيمي په آبي ڪنت، ڊاڪتر و دواي پڪري بيت.

### معلمي تج و تاگ:

- \* وانندگاني گسوين ڪارا چاريت، آوانا سوگه و راهشونه ڪنت.
- \* په وانندگاني پڪري نزاورتنا شه آوان سڪين ديوكين جستانا كه به سبخي برزگا آتگنت سوچه ڪنت.
- \* سبخا په برزين تواري وانيت.
- \* نوڪين گالانا گون مانايش به تختي ديما نمشته ڪنت.
- \* په وانندگاني اوشڪتنا ڪسانين مطلبي شيت، اي مطلبي باروا شه آوان جسته ڪنت، شه سي وانندگا لوتيت كه چيزيڪه ديما شه جستان اوشڪتگنت يڪواردگه شه بر په برزين تواري بگشت.

## واندگانی تچ وتاگ:

- سبڻا بشڪنت و نوڪين گالانا گون مانايش شه تختها به وتي ڪتابچهان بلڪنت.
- دو وانندگ په رون اي سبڻا په برزين تواري بوانيت.
- وانندگ سئ بار بنت و گون وت په ماسئ باروا هبر بدينت.
- شه هرباري يڪ وانندگي چيزيڪه په ماسئ باروا اوشڪته په دگران بگشيت.
- وانندگ كه مطلبها شه وتي معلما په شري اوشڪتگت، جستاني پسوا بدينت.
- سئ وانندگ په رون چيزيڪه ديما شه جستان اوشڪته يڪوار دگه شه بر په برزين تواري بگشيت.

## شه وت ڪنگ:

- عزتمدين معلم په وانندگاني شه وت ڪرنا كه سبڻا په شري هيل زرتگنت اگه نه شه آوان جسته ڪنت.
- ڪئ په ماسئ ڪدرئ باروا هبر داتگه ڪنت؟
  - اگه ماس وتي زاگا بهيل مه ڪنت چونه بيت؟
- همي راز په وانندگاني لڪتنئ واڪئ گيش ڪنگا په آوان لهتين جمله شيت.

گسويين ڪار:

په ماسئ ڪدرئ باروا ڪسانين نمشتانڪي بلڪيت كه شه پنج ڪشڪا ڪستر مه بيت.

# ضمير و آي ڊول

## مخسد:

- وانندگ ضمير و آي ڊولانا بزاننت.
- وانندگ به جملان ضميرانا ودي ڪرنگ بڪنت.
- وانندگ ضميرئ حالتانا درست ڪنت.

## جست:

- ۱- ضمير چيوا شنت؟
- ۲- ضمير چنت ڊول داريت؟
- ۳- ضميرئ حالت چنت انت؟

ضمير هما گال انت که نامئ جاگها آورتگه بيت و شه نامئ پدوار گين گشگا ديمگيريه ڪنت.

چو: ببيرگ آت. آ منا گشت که باندا شارا روت، ادا "آ"

ضمير انت که ببيرگي نامئ جاگها آتگيت.

آدگه ضمير ايش انت:

مفرد: من، ته، آ، منا، ترا، آيرا، مني، تي، آيي.

جمع: اما، شما، آ يا آوان، امارا، شمارا، آوانا، امئ، شمئ، آواني.

چيدگ ودرور:

مني دل شه تي هبرا بازوش بوت، شه تي اي هبرا مني دل باگ باگه بيت، مروچي که شما گون من اي مدتا ڪرت چيزي که شه مني وسابيت ڪنين. که ادنا مني، شمئ شما، تي و امئ ضمير انت.

## ضميرئ حالت:

- په ايشي که ضميرنامئ جاگها کايئت، دگه هما نامئ حالتا گرت. چو: فاعل يا کنوکين حالت، مفعولين حالت، مضاف اليه ين حالت:
- ۱- کنوکين حالت: من، ته، شما، آ، آوان.
  - ۲- مفعولين حالت: منا، امارا، ترا، شمارا، آيرا، آوانا.
  - ۳- مضاف اليه ين حالت: مني، امئ يا مئ، تهئي يا تي، شمئ، آبي، آواني.

## نمونگ وچيدگ:

### بازين (جمع)

اما گشتگن  
شما گشتگت  
آوان گشتگنت  
امارا گشتگيت  
شمارا گشتگيت  
آوانا گشتگيت  
امئ يا مئ کتاب  
شمئ کتاب  
آواني کتاب

### تانکا (مفرد)

۱- من گشتگون  
ته گشتگئ  
آ گشتگيت  
۲- منا گشتگيت  
ترا گشتگيت  
آيرا گشتگيت  
۳- مني کتاب  
تي کتاب  
آبي کتاب

## ضميرئ ډول

ضمير سئ ډول داريت:

- شخصي

- اشاره

- لوړ (مشترک)

شخصيين ضمير هما انت که شه سئ مردما (گشوک، اوشکنوک و غاييا) يکي را درا کنت، من تراگشين، ته مني هبرا منئ اگه نه؟ که ادا من گشوک و ته اوشکنوک انت.

جمع	مفرد	
اما	من	<u>گشوکئ ضمير :</u>
شما	ته	<u>اوشکنوکي ضمير:</u>
آوان	آ	<u>غايبي ضمير:</u>

شخصيين ضمير دو ڊول انت : لچتگ، جتا.

لچتگين ضمير هما انت که گون وتي ديمترئ فعلا هور ( يگجا) کيت و تانکا گشتگه نه بيت، چو:

جمع	مفرد	
رون (ون ضمير)	دين (ين ضمير)	گشوک
ريت (يت رر)	روي (ي رر)	اوشکنوک
رونت (نت رر)	روت (ت رر)	غايب

جتاين ضمير هما انت که گون گالي يگجا نه بيت بلکين جتا شه وت ماناي داريت، چو:

جمع	مفرد	
اما	من	گشوک
شما	ته	اوشکنوک
آوان	آ	غايب

### معلمئ تج و تاگ :

\* په وانندگاني پکری نزاورتنا ديماشه سبخا شه آوان لهتين سکين ديوکين جستانا که به سبخئ برزگا آتگنت سوج بکنت.

\* سبخا په برزين تواري بوانيت.

\* سبخئ نوکين گالانا گون مانايش به تختئ ديما نمشته بکنت.

\* په وانندگاني اوشکتنا کسانين مطلبی بگشيت، شه آوان مطلبی باروا سوج بکنت،

شه سئ وانندگا بلوتيت چيزيکه ديما شه جستان اوشکتگنت يکوار دگه شه بر په برزين تواري بگشنت.

## واندگانی تچ و تاگ:

- سبغا بشکننت و نوکین گالانا گون مانایش شه تختی دیما به کتابچهان بلکنت.
- دو وانندگ سبغا په رون په برزین تواری بوانیت.
- وانندگ سئ بار بنت و گون وت په ضمیر و آیی ډولانی باروا هبر بدینت.
- شه هر باری یک وانندگی چیزیکه په ضمیری باروا اوشکته په دگران بگشیت.
- هما مطلبی باروا جستانی پسوا بدینت که شه وتی معلما اوشکتگنت.
- سئ وانندگ په رون چیزیکه دیما شه جستان اوشکته یکووار دگه شه بر په برزین تواری بگشیت.

## شه وت کنگ:

- عزتمندین معلم په وانندگانی شه وت کرتنا که بارین سبغا په شری هیل زرتگنت اگه نه جسته کنت.
- کی ضمیرا تعریف کرتگه کنت؟
  - ضمیر چنت ډول انت؟
- همی راز په وانندگانی لکتنی مهارتی پرواک کرتنا په آوان لهتین جمله شیت.

کسویین کار:

ای سبغا به وتی کتابچهان بلکت وشه بر بکنت.

## دوستی

### مخسد:

- وانندگ سبځا بواننت.
- سبځئ سکين گالانی مانا بزانت.
- سبځئ مانا به وتی زوانا گشتگ کنت.
- دوستی کدرا بزانت و دوستا درست کنت.

### جست:

۱. دوستی دارگ چه پیدگ و کتی داریت؟
۲. نا سرپدین دوست چه تاوانی داریت؟
۳. گون کئی دوستی جوان نه انت؟
۴. رندا شه شیواریا چه ضرور انت؟

دوستی گون بنیادمانی وشالی وگلا لور انت، ایشا بزانت که دوستی گون هر کسا نه برازیت، شما اگه دوستیه کنت باید گون پو، سرپد و شیوارا بکنت، پرچی که گنوک وناسر پدی سیالداری بود ناک نه انت.

بیت که نا سرپدین دوست اگه جوانین کاری کنگی نیتا هم داشتگ بیت تاوانی په ته گیشتر برسیت و ای کار شه آیی نازانتیابیت.

رندا شه شیواریا، پاچین پیشانی و جوانین خو، تب وعادتت دارگ ضرور انت، چیا که اگه نا سر پدی بدین خوبی سری ات، گلهان په ته باک نداریت.

سری ایشی، بایدانت با خدابیت و گناهی هول دلی راه داشتگ بیت، پرچی آدلا که خدای ترس جاگه داشتگ بیت سری باورانت.

گون ای پنچ کسا دوستی جوانین آسرو پای نه داریت و بنیادم باید انت و ترا شه آوان دور بکشیت :



اول: شه دروگبرا كه گون دروگي گشگا خو گپتگيت.

دوم: ناسر پديكه وتي پيدگي نيتا بيت، په ته تاوان رسنيت، بیدی آیی كه بزانت.

سوم: بخيل كه باز نازركين وهدئ ترا ويله كنت و وترا دور كشيت.

چهارم: بدنيت كه وهدی ترا پادموشه كنت.

پنجم: حريص كه ترا په كساین چيزی بها كنت.

ایشا اول بسنجی كه گون كئ دیوان بكنئ. اگه تهی مخسد علم انت یا كه علم ودین انت

و یا كه دنیا انت، گپان خوشخویی بلوتی، علم و پرهیزگاری بلوتی یا كه سخاوت بلوتی.

ایشا بزانت و سرپد بی كه مخلوك سئ رندا انت و سی دروشم دارنت:

لهتینی چو ورگا انت كه شه دیمیش جستگ نكنی، لهتینی چو داروا انت كه وهدیی

ضرورت په آوان كپیت و لهتینی علت انت كه هیچبر پر آوان مجبوریتی ندارئ، مگه

لچوك انت كه ترازوتی گرت كه په ركاینگی بازین وهدیی باید انت دارو بورئ، گپ

سرا گون کسی گپ وتران بیت كه شه آیی ترا كهی برسیت یا كه شه ته آیرا.

### معلمی تج و تاگ:

\* وانندگانې گسویین کارا بچاریت، شه لهتینا ضمیر و آیی ډولاني باروا سوج بکنت.

\* په وانندگانې پکړئ نزاوړتنباه صنفا دیماشه سبخاشه وانندگان لهتین سکین دیو کین جست بکنت.

\* نوکین سبخا په برزین تواری بوانیت، دوستی پایدگ و کهی باروا وانندگان مالومات بدنت. نوکین گالانا گون مانایش به تختی دیماشه بکنت.

\* په وانندگانې اوشکتنا مطلبی بگشیت، شه آوان مطلبی باروا جست بکنت، شه سئ وانندگانې بلوتیت كه جستاني پسوا بگشنت.

## واندگاني تچ و تاگ :

- رندا شه گسوين كارئ نشان داتنا، جستانا بشكننت و به پسواني فکرا بنت.
- سبځا بشكننت و نوکين گالانا گون مانايش شه تختها به کتابچها بلکننت.
- دو وانندگ په رون نوکين سبځا په برزين تواري بوانيت.
- وانندگ سئ بار بنت و گون وت په دوستي باروا هير بدينت.
- شه هرباري يک وانندگي چيزيکه په دوستي باروا اوشکته په دگران په برزين تواري بگشيت.
- وانندگ هما مطلبي باروا جستاني پسوا بگشنت که ديماشه معلم صاحبا اوشکتگنت.
- سئ وانندگ په رون چيزيکه ديماشه جستان اوشکته يکواردگه شه بر په برزين تواري بگشيت.

## شه وت کنگ:

- عزتمدين معلم په وانندگاني شه وت کرتنا که بارين اي سبځا په شري هيل زرتگنت اگه نه شه آوان جست بکننت.
- کئ دوستي باروا هيرداتگه کنت؟
- يک صنفئ وانندگ گون وت چونين دوستي دارنت؟
- همي راز په وانندگاني لکنئ مهارتئ گيش کنگا په آوان چنت جمله بگشيت.

گسوين کار:

گون دوستا دوستيا مه بر، بري سرگالا نمشتانکي بلکت که شه پنچ کشاکستر مه بيت.

## جوانی آسر

### مخسد:

- وانندگ سبھا بواننت.
- سکین گالانی مانا بزانت.
- سبھی مانا گشتگ بکننت.
- جوانین کرداری کدرا بزانت.
- گون جوانین کردارا خوبگرننت.

### جست:

- ۱- جوانین کرداری بارواکئی هبر داتگه کنت؟
- ۲- گون جوانین کردارا خوگپتن چونین پای داریت؟
- ۴- چنت کارا بگشت که به آوان جوانی انت؟

جوانی و جوانین سلوک شه بنیادمانی برزین صفتان انت که به مردمانی میانجینا مهر و محبت و دیه کنت، مهر و محبت تپاک و یکویی به میانجینا کاریت و وهدی که به مردمانی میانجینا تپاک و یکویی بیت شرین رساک و جاور و حالتی په زندگی گه بودیا بریره بیت.

بنیادمانی باید انت به هر کار و کردی وتی و دگرانی پیدگ و کتا به چمی چیرا بگیت و بزانت که وت پسندی و وترا لوپین و دگرانا شه هوشا برتن و بی هوش کرتن جوانین آسر و نتیجی نه داریت.

مشما مچین زانن که بنیادم سماجین زندگی واوند انت و هر گجای کارو کردبه دگرانی سرا اثره کنت. اگه یکی زبرین کاری تسره کنت. آدگه هم وتی تج و تاگانا رازی دیما برنت که په مچانی پیدگ و کتاپیت.

اگه یک ملک و وطنی مردم، په سدک و راستی و یکویی و شور و سلا وتی کارانا دیما برنت و گون وت په شری اوستاتن ونشتن بدارنت وتی باز سکيانا په آسانی حلایتتگه کنت و هیچ رازی سد و پونگی آوانی راهی دیما گیتگه نه کنت وایش بازبر انت که مردم مدام جوان بیت و جوانین و نیکین کرداری بداریت.

جوانین مردم که جوانین و نیکین کردار داشتگ بیت چیه کنت؟

به پت و گیا بانان چاهی سندیت، سطلی را دسگی بندیت و اودنا کلیت تاکه تونگی آپ بوارت، دست و دیمی بشو دیت، کسی وضو بکنت و نمازی بوانیت شه ای چاهی آپا نه تانکا مردمی تته پروشیت بلکین مالی را آپ دینت، درچک و سبزیگی آپه وارت، مُرگ و دگه پروکی آپه وارت و دگه.

دگری راگندئ که جاگهی در چکی کُرم کنت، ای درچک توییت و سیایگ کنت، واوندی نیوگی وارت و شه نیوگی دگراناهم داد و دهشت کنت، گرمانا راهگوزی سیایگی و تی ژندیاکشیت یا پس و بُزی او دنا سیایگ گیت که ایش وت باز جوانین کرداری انت.

کسی را گندی خیرئ کارکنت، جوی سندیت که به تهی آپ بتچیت و مال و مُرگ و انسان شه آیی کت گرنت و آیی جندئ کشت و کشارانی آپی اړهم بوجتگه بیت.

مردی راگندئ که چهار راهی سراگدانی جک کرت و مساپر و گشنگانا پاری خدا نان و آپ کنت، ایش دگه نیکین عملی.

باخیرین مردی مسیتی بندیت تا که مردم اوداشته و عبادت بکننت. دل سوچی مزین جوی سراپلی جوړه کنت تاکه مردم و حیوان شه سری بگو زنت یاکه دُرایی کلینکی جوړه کنت که نادراشته و علاج بنت، دگه بنده خدا مدرسه جوړ کنت و

مردمانا اودنا تعلیم دنت، نمشتی کیشکا هیلش دنت تا که شه دین و دنیای هبران  
زوت تر و جوانتر سهی بنت که ایش وت نیکین عملی انت.

ایش مچین جاگهان داب انت که مزین کسانانی سرا ایراد گرت. وری ته ای کارا  
خراب کرتی! پس زاگانی سرا و معلم هم وانندگانی کمییا درشان کنت. ایش باز  
نیکین کرداری انت که اگه پس دیمئی ویلین دودا بلیت، وتی کمییا به وتی زاگانی  
دیما یات بکنت، معلم وانندگانی دیما اگه کمبودی وتی جا ناگندیت منیت ووتی  
سرا ایرا دبگیت و چوش نیکین کرداری را رواج بدینت که ای ورا زاگ و مکتبی  
شه وتی مزن و سر براهان حقیقتا یات بگرت. باید اما مچی و ترا شه در وگبری و  
تهمتی جنگا الاس بکنن ووتی گناها په دروگ به دگری بلوا تپو مه کنن.

باید انت مزن مدام په گوندین زاگان راهشون دیوک بنت و په پلامرزییا پلمه و  
نیمون جوړ مه کنت که جوان نه انت.

اگه کسی گون خوار و بزگین کهولی که په لنکه نانی درمنتگیت کمک کنت یا که  
یتیمی چمی ارسانا پاک کنت، ایش وت نیکین کرداری انت که دگه مردم هم ایشا  
کرار کرار نیکین دابی رازا منتت و تسره کنت.

اگه بیبرگ مریدی دستا که چمیه نه گندنت، گیت وشه سرکئی ایشکا آدگه دستا  
گوازینیت و نیلیت که موتیری آیرا دیت وای وهده بیبرگی همراک، رحیم داد آیی  
ای نیکین کردارا چاریت وزوریتی و دگه جای که محتاجی را بگندیت ای کارا  
تسره کنت، وش وش نیک کرداری به هرجاه دابه بیت و یکی جوانی په دگرا  
رسیت.

سلامی پریتنن دگه جوانین کرداری که اسلامی دین په آیی سوگه کنت ایشا  
بایدانت بزنان که خداوند(ج) هر کرداری بدلا دنت، اگه زبرین کاری کرتی، زبری  
گندی واگه بدین کارات بدلی بده گندی، نیکین عمل و جوانین کردار به اسلامی  
دینا باز مهم انت پمیشا گندت که نیکین کردار به آسمانین کتاب قرآن مجید باز  
واران به جتا جتاین شکل و ډولی یات بوتگیت.

جوانین

کردار و ایمان چو درچکی شاخلوک و روتگانی پیما یکی آدگرا گون ربط دارنت  
اگه ریشگ شه چیرا ورگی و آپا نظم دنت دگه شاخلوک شه برزگا اکسیجنا کش  
کنت و په تیر، ریشگ و روتگار سینیت.

جوانین کرداری مخسد بیدی خداوند(ج) رضا بایدانت دگه چیزی مه بیت. غرور،  
وت لوپگ و مخلوکی چمان حاک پاشک مه بیت.

جوانین کردار دور و تچکین پر زونگی که سری هروری ورگی نچین داتگ  
بوتگیت و کثری مزن و کسان، جن و مرد، شاه و گدا، سهور، اسپیت و سیاه، عرب و  
عجم نشتگت و آ تا ما ورن.

دیمتراگشتن که ایمان و جوانین کردار شاخلوک و روتگ انت، درگتی که جوانین  
کردار گون ایمانا لور بیت، ایمان گیشتر چرخ جنت و جلایشت و دیه کنت و بینادم  
به وتی دین و دنیای زندگیا روشن و دورگنده بیت. گون دورگندی پکر و خیالی  
دارگا مدام بنیادم تلواسگ و کوشسته کنت که به خیر و جوانیی راها بروت و انچین  
کرداری تسر مه کنت که باندی روچا شومانی بکشیت. انچین مردم وتی پیدگا به  
دگرانی پیدگا گندنت و به ایشانی دیما وتی جندی نپ و کتپ آنکس کدر نه  
داریت چو که دگرانی داریت.

ایماندار و جوانین کرداری مردم برزین جاگه و مقامی واوند انت. ایشا باید بزنان  
که وت پسندی و وت لوپوکی جوانین کرداری نه انت. وت لوپوک به نفس  
پرستی تارمی تها بپه گپته و انچو غرخه بیت که بیدی وت دگری را نه گندیت.

## معلمی تچ و تاک:

- \* وانندگانی گسویین کارا چاریت، سوگه و راهشونیه کنت.
- \* په وانندگانی پکری نزاورتنا دیماشه سبخی بناپوتنا شه آوان هما جستانا سوچه کنت که به سبخی برزگا نمشته بوتگنت.
- \* سبخا په برزین تواری وانیت، وانندگانا گیشتر مالوماته دنت.
- \* سبخی نوکین گالانا گون مانایش به تختی دیما لکیت.
- \* په وانندگانی اوشکتنا کسانین مطلبی گشیت، مطلبی باروا شه آوان جسته کنت، شه سی وانندگا لوپیت چیزیکه دیما شه جستان اوشکتگنت یکوار دگه شه بر په برزین تواری بگشت.

## وانندگانی تچ و تاک:

- سبخا بشکننت و نوکین گالانا گون مانایش شه تختها به کتابچها بلکنت.
- دو وانندگ په رون سبخا په برزین تواری بوایت.
- وانندگ سی بار بنت و گون وت په جوانین کرداری باروا هبر بدینت.
- شه هرباری یک وانندگی چیزیکه په جوانین کرداری باروا اوشکته په دگران بگشیت.
- وانندگ هما مطلبی باروا جستانی پسوا بگشت که شه وتی معلما اوشکتگنت، رندا سی وانندگ چیزیکه دیما شه جستان شه وتی معلما اوشکته شه بر په برزین تواری بگشت.

## شہ وٲ گنگ:

عزتمندين معلم په واندگانې شه وٲ کرتنا كه بارين سبخا په شري هيل زرتگنت  
اگه نه شه آوان جسته كنت.

- كئ جوانين كردارئ باروا هبر داتگه كنت؟

همي راز په واندگانې لكتنئ مهارتئ پرواك کرتنا په آوان لهٲين جمله شيت كه  
بلكنت بكننت، آواني نمشتهانا چاريت، سوگه وراهشونيه كنت.

گسويين كار:

په جوانين كردارئ باروا كسانين نمشتانكي بلكت كه شه چار كشكا كستر مه بيت.



# در گيجک

## مخسد:

- واندگ سبځا بواننت.
- سکين گالانى مانابزاننت.
- سبځئ ماناگشتگ بکننت.
- شه در گيجکي وړو ډول و کدراسي بنت.
- به وهده ووختئ به در گيجکا بار بزورنت.



## جست:

۱. افغانستانئ مخلوک گيجام شورای باسکانا گچين کننت؟
۲. دموکراسيی بنياد چي انت؟
۳. به ولايتان کانديدانی پلامرز چيه لوږنت؟
۴. مردم گون چيا وتی بنياديين حکانی واجه بونگه کننت؟

شه دموکراسيی بنياديين حکان یکی در گيجگ انت، یک راجی باسک گون وتی ای حکئ کار مرز کنگا، به وتی سرنوشتی در گيجگا کوت و باره زورنت ووتی کوت گرگی ډول و دروشما به ملکا درشان کننت.

گون درگیجگا استمان، چشین کسانا دیما آورته وگچین کنتت که آوان گون وتی مردمان وشین سرودلی داشتگ بنت و په آوانی خدمتا سرین بستگ وچار که بنت نه ایش که وتی جندی نپ و پیدگی سرا پام داشتگ بنت.

ملکانی درگیجگ و گچین کاری، کمپروی یکی آدگراگون توپیر دارنت به ملکی، جمهورین صدر راستام شه مردمانی نیمگا گچین بنت، پارلمانی باسک، ولایتین شورا وولسوالیی شورا وهلکی شورا ایش مچی راستام گون مردمانی رای داتنا گچین بنت بیت که په یک مقامي چنت کاندید بینت آیی که شه مچان گیشتر رای گپت، سوب همایی زانتگه بیت. شورا کابینه ی با سکا نا گچینه کنت.



به ولایتان، امیت وار یا کاندیدانی پلا مرز وپشتیوانی کنوک تلوسنت که وتی دلئ کاندیدا سویین بکننت و مخالپی پرورش بدینت همی ورا کاندید چن ولانچ دارنت که به ولایتان و تی وس و تاثیرا باز بکننت، اگه راج دپتر هورت چاری بیت جوان مالومه بیت که مردم گون درگیجگا که دموکراسیی بنیاد زانتگه بیت وتی بنیادین حکانی واجه و واوند بوتگه کنتت وشه موک وملام، دزی و هول کنگ، سوگه و حکانی لگتموش کنگالاس بنت.

### معلمی تج و تاگ :

- \* وانندگانی گسویین کارا بچاریت، سوگه و راهشونی بکنت.
- \* په وانندگانی پکری نزاورتنا دیماشه سبخا هما جستانا که به سبخی برزگا نمشته انت شه آوان سوچ بکنت.
- \* سبخا په برزین تواری بوانیت و وت هم وانندگانا په درگیجگی باروامالومات بدنت.
- \* سبخی نوکین گالانا گون مانایش به تختی دیمانمشته بکنت.
- \* په وانندگانی اوشکتنا مطلبی بگشیت، ای مطلبی باروا شه آوان جست بکنت، شه سی وانندگا بلوتیت که چیزیکه دیماشه جستان اوشکتگتت په رون شه بر په برزین تواری بگشتت.

## واندگانی تچ وناک:

- سبځا بشکننت و نوکین گالانا گون مانايش شه تختها به وتي کتابچها بلکنت.
- دو وانندگ په رون نوکین سبځا په برزین تواري بوانیت.
- وانندگ سئ بار بنت و گون وت په درگیجگی باروا هبر بدینت.
- شه هرباري یک وانندگي چیزیکه په درگیجگی باروا اوشکتته په دگران بگشیت.
- وانندگ هماغستانی پسوا بدینت که په معلمی گشتگ بوتگین مطلبی بارواشه آوان بیت.
- سئ وانندگ په رون چیزیکه دیما شه جستان اوشکتگت شه بر په برزین تواري بگشنت.

## شه وت کنگ:

- عزتمندین معلم په ایشي که شه وت بکنت که وانندگ سبځا په شري زرتگنت اگه نه شه آوان جسته کنت.
- کئ په درگیجگی باروا هبر داتگه کنت؟
  - به شمی الکا به گوستگین درگیجگا کئ گیشتر رای برت؟
- همي راز په وانندگانی لکنتی مهارتی پرواک کرتنا په آوان لهتین جمله گشتگ بیت.

گسویین کار:

درگیجگی باروا کسانین نمشتانکي بلکت که شه چار کشکا کستر مه بیت.

## مُخدرين چیزانی گندگین اثر

### مخسد:

- وانندگ سبځا بواننت.
- سکین گالانی مانا بزانت.
- شه مخدرين چیزانی گندگی و تاوانا سی بنت.
- شه مخدرين چیزانی خو گرگا دوری کننت.



### جُست:

۱. مخدرين مواد چه انت؟
۲. مخدرين چیزانی تاوان چه انت؟
۳. عملی کئی راگشت، هلک و مردمانی تنها کدری چون انت؟
۴. همایکه که گون عملا خو گپته چونین زندگی داریت؟

مخدرين مواد چه انت؟

مخدرين مواد، نشيه آروك وبي ساركنوكين چيزانت كه اگه باز كار مرز بنت گلدان مجگي بنجاهين جر و روتگانا ناخست كرته وچپ شه كارا پرينت.

مخدرين چيزاني ناوپرين اولين تاثير ايش انت كه بنيادما بيسد و ساره كنت واگه چنت وهده پد په پد كارمرز بيت گلدان مردم گون آبي خو بو گپته و عمليه بيت و به وهدى هرچون كه بيت و ترا به آبي رسينيت و كراكرا وتى اراده، اختيار وواك و توكاشه دستا دنت، مخدرين چيزاني عملى به عملى ديما صبرو سگگى وسانه داريت و تلوسيت هر چون كه بوئگيت بايد انت موادا كار مرز بكنت. مخدرين مواد، دو راز وديه بنت:

۱- طبعى، چوترياك كه شه كوكنارئ بتگا گپتگه بيت.

۲- مان لا براتورا جوړه بيت چو: پوډر، مورفين، كوكاين، كودين و دگه...

چيزى شه اى موادان په تباثا كار مرزى داريت و چنت وړى داروگون آوان جوړه بيت كه شه صدا چتتكى شه آوان گون كنت كه اى داروانى وت سر و بيخودين ورك بيدى دكترئ سوگها تاوان رسينوك انت.

مخدرين چيزاني كتئ گرگ، جان و دماغئ سرا گندگين اثرى كليت و سماجين پسات و ديه كنت و كاركنگى واكا شه بنياد ماگيت. ورك وواب كنگا رواج دنت كه ايشى جيند، راجئ پش كپگى وج بيت.

مخدرين موادئ كار مرز كنگ خاص سوچئى جنگ په بينا دمئ جان سلامتيا، بازسك تاوان رسينيت، بيدى تاوانا مردما گون كشوكين نادرايان آخته كنت چو:

دلئ نادرايى (دلئ سكته) و زردويى. سرى ايشان سماجى و زر وپيه بازين سكى چو كُشگ، پل ولت، سوال كنگ و دگه... گون وت داريت، كه ايش وت په ملك و بنيا دميين واكا تاوانه رسينيت.

ای گندگین عمل مروچین روچا بنیادمانا گون سکی وسوریان گټان گو ټو داریت و هر روچی که گوزیت چو لچو کین ناڈرایی په کهول، مکتب، شهر و ڈرستین جها نا خطر ودیه کنت وراجی دیما برگی واکا نرور کرته و پش کپگی وجه بیت مخدرین چیز چنتی ډول دارنت که مسترینش تریاک، پوډر، کریستال، چرس، مورفین، کوکائین انت که آوانی کار مرزکنگ بازمزین تاوانی داریت.

مردمی که مدام مخدرین موادا کارمرزکنگا انت، عملی گشتگه بنت، به امی عزیزین وطن افغانستانا په باز زارگینی بایدانت بگشن که عملین مردم و دیه بنت که گیشتر کی آ ورنانت که زاتش ۱۵-۳۵ سالی تها انت و مردم آوانا پوډری گشت، پوډریا هر کس شه وتی پهنا دا گلینیت و مچی گون آوان بد بری دارنت و مردمانی دیما ایش مزین گناهکار زانگه بنت پر چی که آوتی جانئ دشمن انت وراجی بلها بار و سوار انت.

حقیقتا پوډری و عملی آمردم بوتگنت که اعصابی تکلیپ داشتگنت شه مخدرین موادی تاوانان سهی نه بوتگنت، گون نا اهلین سنگتان لوړ بوتگنت و یا که سماجی و اقتصادین سکی داشتگنت.

اسلامی پاکین دین مخدرین چیرانی ویلین کار مرزکنگا ازم نه دنت پر چی که په بنیادمی سلامتیا تاوان داریت و مردما بی سدوسار کنت وراجا دیمی چوتین راهی بارت و آواناکه ای کچئی غچا غیا کنت، مردم و مردمگریتی دشمن زانت. پمیشا ای چیزانی بها کنگ، زنگ و کار مرزکنگ جرم و گناه انت، کشت و کشاری و برگ و آرگی سزا داریت، اسلامی پاکین دین مخدرین چیزانا باز سک گندگ گشته و کئی گرگی گناه زانت.

به درستین دنیای تها، ایش ورناهانی ذمه واری انت که وتی ایشک و آشکی مردمانا شه مخدرین چیزانی کار مرزکنگی ناوړین اثرا پوه و سرپد بکننت.

ایش بیدو رنا هان راجی دگه باسک، سرکار وغیر سرکاری و خیر رسینو کین موسسانی کارانت که په ای سکیی گار کنگا گون وت کوپگ بدینت و گون عملیان تا جایکه بوتگه کنت کمک بکننت و رهشونش بنت تاکه شه ای ناوهرین عملا وترا دوربسا تنت وشه ناجور بیانی آخته بوگا برکنت.

بری راها پس وماسی گشگ گیشتر بود ناک انت و گهتر ایشننت که شه وتی زاگانی عملی بوهگا گون مخدرین چیزان دیم گیری بکننت په شرطیکه پس و ماسی جیند عملی مه بنت، اگه یکی شه ایشان یا هر دو کین عملی بنت پُسگش زوت تر عملیه بیت پر چی که شه آوان گندیت.

اگه زبرین رابطه وهمراکی سلوک، پس و پُسگانی نیامابیت، گلهان پسی پنت شر تر اثر کنت، په شرطیکه پسی جیند عملی مه بیت. اگه پس عملی ات، در گتی که نشیه بیت، گون وتی زاگان زبرین سلوکی داریت، مگه وهدی که خمار بیت مهرو محبتا شموشیت وزاگ شه آیی جینت پر چی که مهرو محبتی نه گندنت.

شرین، گرمین و پر محبتین رابطی بوهگ گون و رناهان شه آوانی عملی بوهگا دیم گیریه کنت، ورنها نا پنتی دیگ دکین هبری انت، ایشا هیچبر مه شمو شن که پنتی دیگ هم هرو هده کتوک نه انت که مردم شه آوان بلوتیت و سوگه و جخت بکننت که عملاویل بکننت بلکین گون آوان هم پکر بوتن ورندا رهشونی کرتی اثر گیشتر انت.

ایش جوانین کاری انت که اگه پس و ماس وتی زاگانا، نه گشتنایا ت بدینت که اگه آوانی نازانتین همراکی شه آوان بلوتیت که مخدرین موادا کارمرزبکننت اولا جوان بسنجنت که گله سری چون انت، نه گشتن گهتر انت، نه ایش که مردم عملی بیت و پو درا بزوریت ووترا هورگون وتی کهول و پس و پیروکا نام بد بکننت.

انون که لهتین ورنه گون ای لوگ بیرانین عملا آخته بوتگنت، امی کار چه انت که چه بایدانت بکنن؟ مسترین هبرایشنت که عملین مردمانا، چون نا دُرا و محتاجی که په کمکا اړانت بزنان، نه چوگنا هکاری که بیراه بوته وچوټ روت، اگه انچین سلوکی مه بیت ورنه تیارنه انت که و تراشه پازا بیا برکایننت و عملا یله بدینت. بایدانت سر پد بین و دگه و رناهانا سر پد بکنن که مخدریین چیزانی کار مرزکنگ، په جان و اعصابا بیخودین نا دُرای بی داریت که چیدگی پیما چنتیش یاتی وِرزانن:

(۱) عملی جانئ ساتنی سیستم بی واک و نزوره کنت و کسانین نا دُرای آیرا زوته گیت و شه پادان پرینیت.

(۲) اعصابی بُنجاهین سیستمی کار کُنته بیت.

(۳) دلی سیتگ گیش بیت.

(۴) پُپ و گُئی نا دُرای و دیه بیت.

(۵) چمی دید کم و نزوره بیت، گین بوها نزانن و دپی تام گاره بیت.

(۶) حونی پشار بُرز روت.

(۷) حونی چربی گیشه بیت.

(۸) دل شه ستگا کو شتیت یانی سکتته کنت.

(۹) رنداشه کار مرزا مردم بی سدوسار بیت.

(۱۰) نپس کشتن سک بیت.

(۱۱) مجگ و اعصاب بی نظم بنت و آسری ایش انت که عملی گوشه گیره بیت  
دوبه روت و نا امیته بیت.



## معلمی تج و تاگ:

\* په واندگانې پکړی نژ آورتنا دیما شه سبڅا شه آوان هما جستاناسوج بکنت که به سبڅی برزگا نمشته بوتگنت.

\* سبڅا په برزین توارې بوانیت و مخدرین چیزانې باروا گیشتر مالومات بدنت.

\* سبڅی نوکین گالانا گون مانایش به تختی دیمانمشته بکنت.

\* کسانین مطلبې په واندگانې اوشکتنا بگشیت، رندا ای مطلبی باروا شه آوان سوج بکنت، شه سئ واندگا بلوتیت چیزیکه دیماشه جستان اوشکتگنت شه بر په رون په برزین توارې بگشنت.

## واندگانې تج و تاگ:

- سبڅا بشکننت و نوکین گالانا گون مانایش شه تختها به وتي کتابچهان بلکنت.

- دو واندگ په رون ای سبڅا په برزین توارې بوانیت.

- واندگ سئ بار بنت و گون وت په مخدرین چیزانې باروا هبر بدینت، رندا شه

هربارې یک واندگي په رون چیزیکه شه وتي همراکان اوشکته په برزین توارې په دگران بگشیت.

- واندگ اوشکتگین مطلبی باروا سوجانې پسوا بگشنت که شه معلم صاحبا اوشکتگنت.

- سئ واندگ په رون چیزیکه دیما شه جستان اوشکته شه بر پدوارگ بگشیت.

## شہ وٲ گنگ:

عزتمندين معلم په واندگانې شه وٲ کرتنا كه بارين سبخا په شري هيل زرتگنت اگه نه جست بكنٲ.

- شه شما كئ مخدرين چيزاني باروا هبر داتگه كنت؟
- پچي مخدرين چيزاني عملي به مردماني تها كدر و رو نه دارنت؟
- هميراز په واندگانې لكتنئ مهارتئ پرواك کرتنا په آوان لهٲين جمله بگشيت و رندا نمشتهانش بچاريت.

## كسويين كار:

په - عملي، مخدرين چيز، دلئ سكته ائ گالان يك يك جمله به و تي كتابچهان بلكٲ و شه بر بكنٲ.

## صبر

### مخسد:

- وانندگ سبځا بواننت.
- سبځئ سكين گالانى مانا بزانت.
- سبځئ مانا به وتى زوانا گشتگ بكننت.
- صبرى پيدگ وكتا بزانت.

### جست:

۱. صبر و حوصلئ دارگ چه پيدگ وكتى داريت؟
۲. به سكى و سوريانى وهدا صبر كنگ چونين پاى داريت؟
۳. صبر كنوك (صابر) كى دوست انت؟

اسلامئ پاكين دين، كه بنگيجى په بنيادمانى زندگيئ گهبوديئ خاطر اشتگ بوتگيت و هر دوكين دنيايئ جواني رهبنانا سوگه و راه نشاندو كيه كنت، امارا به راستامين راها پرينيت و مچين آچيزى كه په مسلمانانى پيدگ و كتا انت به خداوند(ج) كتاب، قرآن مجيدى تها آتگنت.

خداوند(ج) به وتى اى كتابى تها چنتى وار وتى بندگانا په صبر دارگا رهشونيه كنت چوكه گشيت: خداوند(ج) گون صبر داروكان انت. خداوند(ج) صابرانادوست داريت واگه اما آيى سوگهانا برجاكنن، هر دوكين دنياها شه سكى و سهوريان الاسن.

بنیادم به وتی زنداگون سکی و سهوریان چوگ وارت که حلائیگیس صبر و حوصله لویت، ایدنا لهتین شه آدپ دیگان که گیشتر مردم گون آوان دست به زنجکه بنت و مردمانی صبر و سگگا جاله کارنت و جیره و گندگیی وجه بنت نمونگی پیمایات بنت. یکی آدگری هبرانی اشکیتنی حوصله دارگ: انچین مخلوک بازانت که یکی آدگری هبرانی اشکیتنی حوصلها نه دارنت، یکی آدگری هبرانی تها پترنت و هبرا شه دپی گرت که ای کاروت سکی و دیه کنت دگرانی هبرانی اشکتن، شه یک نیمگا گپ و هبر کنوکا احترام کنگ انت و شه دگه سونی بدگمانیا زیانه کنت.

بنیادم شه اولاً سماجین زندگییا، دوست داشتگ و عادت داربت. جامععی تهی زندگی شه وت خاصین دود و دستوری داربت. مردم اپرانت که دایم آوانی سراپام داشتگ بیت و آدود و دستور ایشنت چو که مردم نان وارت، کسانین لنکه گیت و باز هورت، هورت جاییت و ایره بارت تا که به هضمی وهدا کمک بیت و اگه مردم به کاسگی گون وت هم دستی داشت آبی پکرا هم بیت که گشنگ مه مانیت و هر گجام په واردستا دپابارت همی وپا گپ کنوک، هبر داتنی وهده وتی هبری دیگا سنجیت، جوانین هبر شه دپا دره کنت، میت که شه دپا چشین هبری در بروت که اوشکینوک زارگین بیت و وترا شه مردما دور بکشیت.

مردم که هبره دنت آدگری صبر و حوصلی پکرا همه بیت، هبری وهده و رونا هم چاریت و پرهبری و پرچنیه همه نه کنت پرچی که اوشکینوک آ وهدا کم حوصله بیت و صبرا شه دست دنت که گپ جنوک باز کچا پتگی بکنت و شه دپی ربودگ و بی ماناین هبر درییت.

متلی انت که گشت: مردمی جیندی زوان کلاتی هم انت و بلایی هم، دشمنی را دوست کنت و دوستی راهم دستی دشمن آ هم رازی که آبی دیدا مه لویت.

انچین مردم ودیه بیت که بیدی پرس و سوجا ویدی ایشی که وترا شه آدگری هبرانی مانا، شریا سهی و سرید بکنت، بس گشیت:

به ته چه؟، ترا چه کارانت، انچین هبری دیگ آوانی نیاما بد بری ودی کرته وسکیی سبیه بیت.

تانه داتن وشگام جتن وت گندگین هبری انت، پرچی که گیشترین مردم انت که شگام جنگی دیما، سگگی وسا شه دست دینت، باز کم مردم انت که گون شگامی اشکیتنا وتی

صبر و حوصلها شه دستا دینت، بیت که شگام کشت و کوش و تپی و توری داشتگ بیت و مزین مرو جنگی وج بیت.

کسانین هبر چوزاگانی نیامی جیره هم بیت که صبرا تنک بکنت و هبر به مزنان برسیت و جیره و خپگی سبب بیت.

یکی په آدگرا عیبی ودی کنگ هم خپگیه کاریت و صبر و حوصلها گاره کنت، صبر و حوصله شه اسلامی پاکین دینی سوگه و جختان انت و سرپدین مردم گون ای جوانین خو و تبی دارگا به هررنگی جاور و حالتی صبر و حوصله کنت و هررازی سکی و سوری را په صبر و حوصله حلاینت و انچین کاری نه کنت که دگری ناوشی و رنجگی سبب بیت.

### معلمی تج و تاگ:

\* په وانندگانی پکری نزاورتنا دیما شه سبخا شه آوان هما سوجانا بکنت که به سبخی برزگا نمشته بوتگنت.

\* سبخا په برزین تواری بوانیت، و صبری کدری باروا هبر بدنت.

\* سبخی نوکین گالانا گون مانایش به تختی دیما نمشته بکنت.

\* په وانندگانی اوشکتنا کسانین مطلبی بگشیت، ای مطلبی باروا شه آوان جست بکنت، رندا شه سی وانندگابلوتیت که چیزیکه دیما شه جستان اوشکتگنت په رون شه بر په برزین تواری بگشت.

### وانندگانی تج و تاگ:

- سبخا بشکننت و نوکین گالانا گون مانایش شه تختی دیما به کتابچها بلکنت.

- دو وانندگ سبخا په رون په برزین تواری بوانیت.

- وانندگ سی بار بنت و هر باری گون وت په صبری باروا هبر بدنت.

- شه هر باری یک وانندگی چیزیکه به وتی بارا په صبری باروا اوشکته شه بر په برزین تواری بگشیت.

- معلمی گشتگین مطلبی باروا جستانی پسوا بگشت.

- سی وانندگ په رون چیزیکه رندا شه جستان اوشکته په برزین تواری بگشیت.

## شه وت ڪنگ:

عزتمدين معلم په واندگاني شه وت ڪرنا كه بارين سبڅا په شري زرتگنت اگه نه شه آوان جست بڪنت.

- ڪئ صبرئ پايديگ و ڪئئ باروا هبر داتگه ڪنت؟

- په يڪ واندگي صبر چه پايديگي داريت؟

همي راز په واندگاني لڪتنئ مهارتنئ پرواڪ بوتنا په آوان لهتين جمله بگشيت.

گسويين ڪار:

پنچ ڪشڪئ ڪاسا نمشانڪي صبرئ باروا بلڪت.

## دست دوچی

### مخسد:

- واندگ سبځا بواننت.
- سکين گالانی مانا بزانت.
- سبځي مانا گشتگ بکننت.
- گون دست دو چيا بلدبنت.



### جست:

۱. شه دست دوچيان چيی ناما زانت؟ بگشت
۲. پچ و ليسانی دوچ چنت وړا انت؟
۳. دست دوچی شه کدی پا به گسان راه ودی کرته؟
۴. چه خیال دارت، دست دوچی ترخیه کنت یا که دیم گاربوگا انت؟

بلوچانی جنین زاگانی دستیین کار باز کهنین گوستگی واوند انت و دو بهر داریت:

۱- گوآپ

۲- دوچ

گوآپ چو: پرزونگ، شیکین، جانماز، کونپ، غالی، بالشت، تکی ودگه.

دوچ چو: لیس، پردگ، بالشتانی دیم، پرزونگ، دستمال، سرمگدان، گلا، اشترانی ډیل و براه ودگه لک وتروک.

دست دوچی شه غدیم تاغدیمان گسانی تها راه ودی کرتگیت و بلوچانی جنین زاگانا گون وت مشکول کرتگیت، جن وتی لیساناوت دوهتگنت و لیسش شش ټکر داریت که جتا جتا دوهتگ ورندا لچیتگ بنت و آیش انت:

گورئ دیم، زی، گپتان، ډیل و براه، تیرگیجی دامون، آستونکی سر وشلواری دپ. یک پوری پیچ چار تا ده روچی تها دوهتگ بیت، مگه مروچی کامپیوتر به بازارا آتگیت و گون جنین زاگان چم هم چمی کنت و به کمین وختی باز کاره کنت که آوانی ده روچی کارا ده دقیقه یی تها الاس کنت و دست دوچیا گون گاربوهگا دیم په دیم کرتگیت.

لیسانی دوچ دو وړانت که کم کار و پرکار گشتگه بنت، به پرکاریا نکشھانی جاگه هورک نه مانیت و به کم کاریا، نکشھانی تها هورک کلنت رازی که ټکرئ جند هم دیستگ بیت که وت هنرئ برزین کدر و کیمتی دراکنوک انت.

دست دوچی خاصین راز دارنت که نامش چو: تاوس، مروارید، چارچموک، بن تاس، پنچگ پلنگ و سهور پُل انت.

### معلمی تج و تاگ:

\* په واندگانی پکرئ نزاورتناشه آوان هما جستانا سوچ بکنت که به سبخی برزگا نمشته بوتگنت.

\* سبغا په برزین تواری بوانیت و دست دوچی بارواگیشتر مالومات بدنت.

\* سبخی نوکین گالانا گون مانایش به تختی دیمانمشته بکنت.

\* په واندگانی اوشکتنا کسانین مطلبی بگشیت، مطلبی باروا جست بکنت، شه سی واندگا بلوتیت که په رون چیزیکه دیماشه جستان اوشکتگنت په برزین تواری بگشنت.



## واندگانی تچ و تاگ:

- سبڻا بشڪنت و نوکين گالانا گون مانايش شه تختها به وتي ڪتابچها بلڪنت.
- دو واندگ په رون اي سبڻا په برزين تواري بوانيت.
- واندگ سي بار بنت وهر باري گون وت په دست دوچيي باروا هبر بدينت.
- نوکين گالانا گون مانايش شه تختي ديما به وتي ڪتابچهان بلڪنت.
- شه هر باري يڪ واندگي چيزيڪه په دست دوچيي باروا اوشڪته په برزين تواري په دگران بگشيت.
- واندگ معلمئ گشگين مطلبئ باروا جستاني پسوا بگشنت.
- سي واندگ په رون چيزيڪه ديما شه جستان اوشڪته په برزين تواري بگشيت.

## شه وت کنگ:

- عزتمدين معلم په واندگاني شه وت کرتنا که بارين سبڻا په شري هيل زرتگنت اگه نه شه آوان جست بڪنت.
- کي دست دوچيي باروا هبرداتگه کنت؟
  - به گجام يکي شه شمئ الکان بلوچيي دست دوچيي باز انت؟ چي دوتگه بيت بگشت.

## گسويين کار:

دست دوچياني وړ وډولئ باروا بلڪت شه مزنان سوچ بڪنت و چيزيڪه نوکه زانت به وتي ڪتابچهان بلڪت.

# ماین چی انت

## مخسد:

- واندگ سبځا بوانت.
- سکين گالانی مانا بزانت.
- سبځی مانا گشتگ بکننت.
- ماینانا درست کننت.
- و ترا ودگرانا شه ماینانی خطرا بسانتت.



## جُست:

۱. ماین چی انت؟
۲. کئی ماینانی خطری باروا هبردا تگه کننت؟
۳. اگه گجمامی شه شما ماینی ډوگ وار تگین ټپی دیسته بگشیت؟
۴. پچی ماینانی سیمسرو جاگهاگون سورین رنگا نشانیه کننت؟
۵. نه ترکتگین تیر چیوا گشتت؟

افغانستان یکی شه جهانی آملک ووطنان انت که به آبی ماین ونه ترکتگین تیر، تنک و تالان انت. یکی شه بیست و پنج سالگین گندگ و ناورین جنگی نشانان که به امی ملکا رادگ ات ماینانی ویلین، بی مخسد و بازی کار مرزکنگ و کشار کنگ انت، چو که مروچی هم ماهی تها گیش شه پنجاه مردما دیمحونه گیت.

ماین باز گندگ و رډین سلیحی انت، که زندگ جانا کُشیت و کستی هم گون همیشان انت، شه بنیادم و حیوانان، باسکی راگډیت و شل و لوکی پرینیت، به امی ملکا نه تانکا

بنيادم بلکين حيواناني زندهم گون مائني خطرا ديم په ديم انت و خاص که کنډ بوتگين مائاني کودوگی زاننگه بيت.

ماین دو ډول انت:

۱- انساني چپ و خلاپی ماین

۲- ټانک و تچوکين وسیلا نی چپ و خلاپی ماین

سرا ضرورانت، بزانت که ماین خاصین چیزی انت که شه پلاستیک، لټ و آهنا جوړه بیت و تهی بن نه گپتگين چیز چو توپکی داروی رازا اشتگه بیت، ای سلیح گون دست، پاد یادگه چیزی گرنچگا ترکیت و هر چه بنيادم و حیوانی که آیی ایشک و آشکا بیت کشتگ یا کم شه کم ټپه بیت.

ماین بازين ډولی دارنت و رنگ و کچانیش توپير دارنت لهتینش کسان انت چو پیاله یی، لهتینش ډک ترانت چو لویی، همی وړا گردو انت یا آوار چو بخاری نلی ټکری هم دیستگه بنت یا که چو گوگ (توپ) یا که چو چرمین بکس و صندوقی، هم دیستگه بنت، یک

ډولیش چو کسانین رادیوی که آهنین پادگ دارنت چما کپنت، یک وړی کسانین ماین گونډین زاگانی گوازیی لک و تروکانی دروشما دارنت و چو ملاحو، مدگ و مُشکی وړا انت و هر نیمگی کپتگنت.



ای گډین نام گپتن مائانی شکار، گیشتر کی ناسرپدين زاگ انت، که ودی کنگ وزورگی وهده که مچی جم بنت پدا شه گرنچگا ترکنت و مزین تاوانی پیشه کننت.

مائانی جوړ کنگی مسترین مسخد ایشنت که بنياد مانی ختا کور کننت یا که بی دست و پادش کرته، لنگ و لاش و بیکاره اش بکننت، ماین رندا شه اولین جهانین جنگا کار مرزه بنت. باید انت په باز افسوس بگشن که شه آ وهداويد تا انون مائانی کارمرز کرتن داب انت و به بنيادمانی زندگی سرا باز گندگين تاثیرى پرينتگيت.

ماین گجا کشار بوتگنت؟

شه گوستگين سالان به اینگوبه کابلی ولایتی ایشک و آشکا، و به وطنی دگه ولایتانی بنجاه و هر نیمگی الک و سرکانی کتر و گوئرا تنک و تالان انت، مگه گیشترکی ماین یا به پوجی و امنیتین پوستهانی ایشک و آشکا اشتگ بوتگنت یا اودنا که وهدی مرو

جنگی ډاک بوتگیت یا هورکین گس، ناروجوهانی کثرا، پلانی پهنا دا یا مزین کهنین کلاتانی ایشک و آشکا، رودانی کثر و کهرم و کودانی تنها دیستگه بنت. نه ترکتگین تیر:

نه ترکتگین تیر ای وری سلیح ودارو انت که جنگی وهدا کار مرز بوتگنت و نه ترکتگنت چو راکت، دستین بمب، پانکی تیر، ډول ډولی توپکانی تیر، مسترین بمب که بالی گراب آوانا شه برزگا به جالگا ایر داتگیت و دگه...

نه ترکتگین چیزانی خطرئ دیم گیری کموروی آسان تر انت پرچی که آډگاری دیم تنک و تالان انت و دیستنش باز سکین کاری نه انت و شریاد یستگه بنت، مگه ماینانی ودی کنگ سک انت، پرچی که آډگاری تنها چیر داتگه بنت و مردما ناگتا گیره کنت. به افغانستانا لهتین انچین موسسه انت که ډگارا شه ماینان پاکه کنت و ماینانا گون خاصین اسباب و رودینته بوتگین کچکی وسیلا و دیه کنت.

آوان، ماینانانی نپادا گون سهورین کیشکا نشانیه کنت و رندا آوانا کشت و گارش کنت. جاگه یی که ماین کشار بوتگ بیت ایشک و آشکیش گون خاصین تابلوی اوشتا رینگا واره کرته و جاگه وهندیش گون سینگان که سهورین کیشک دارنت، مالومه کنت، پرچی که سهورین کیشک که حونی رنگا داریت وت خطرئ علامه انت وشه دورا به چماکیت.

اگه ماینانی نرینکا که امی مخسد شه کنه بوتگ و کشار بوتگین ماینان انت، دیوالی بیت، چنډی گون سهورین جوئرا رنگه کنت، مزین و برزین کیمانی سرا یا کوه ودکانی برزگ و گوئرا که نرینکیش ماین بیت رنگه کنت.

اگه سرکی کثر یا دیوالی پهنا دا، نچین داتگ و سهور بوتگین سینگ دیستگ بیت، مردم باید به نرینکیش مه روت، پرچی که اودا ماینی خطرانت

### معلمی تج و تاک:

\* په وانندگانی پکری نر آورتنا دیم شه سبخا شه وانندگان سکین ( انگیزه ) دیو کین جستانا که به سبخی برزگا نمشته بوتگنت سوج بکت.

\* سبخا په برزین توارې بوانیت.

\* سبخی نو کین گالانا گون آوانی مانا به تختی دیم نمشته بکت.

\* په وانندگانی اوشکتنا مطلبی بگشیت، ای مطلبی باروا شه آوان جست بکت، رنداشه سی وانندگا بلوتیت که په رون چیزیکه دیم شه جستنا اوشکتگنت په برزین توارې بگشت.

## واندگانی تچ و تاگ:

- سبغا بشکننت ونوکین گالانا گون مانایش شه تختی دیما به وتی کتابچها بلکنت.

- دو وانندگ سبغا په رون په برزین توارې بوانیت.

- وانندگ سئ بار بنت و هربارې گون وت په ماینې باروا هبر بدینت.

- نوکین گالانا گون مانایش شه تختی دیما به وتی کتابچهان بلکنت.

- شه هر بارې یک وانندگی چیزیکه په ماینې باروا اوشکته وزانت په دگران بگشیت.

- هما مطلبی باروا جستانی پسوا بدینت که شه معلما اوشکتگنت.

- سئ وانندگ په رون چیزیکه دیما شه جستان اوشکته په برزین توارې بگشیت.

## شه وت کنگ:

عزتمندین معلم په وانندگانی شه وت کرتنا که بارین سبغا په شری هیل زرتگنت اگه نه شه آوان جسته کنت.

- کی ماینې باروا هبر داتگه کنت؟

- ماین دارین جاگهاننا چون درست کرتگه کنن؟

همی راز په وانندگانی لکتنی مهارتی پرواک کرتنا په آوان لهتین جمله شیت، چاریت که په شری نمشته کرتگنت، سوگه وراهشونیه کنت.

گسویین کار:

په ماینانی خطرئ باروا نمشانکی بلکت که شه پنچ کشکا کستر مه بیت.

# خان محمد سلیمی

## مخسد:

- واندگ سبڻا بواننت.
- گون بلوچين شاعرا درستی بنت.
- شاعری شیرئ گشگی ڊولا بچارنت.
- شیئر و شاعریا هیل بزورنت.



## جست:

۱. بلوچیی زوانئ چنت شاعرا درسته کنت؟
۲. واجه خان محمد « سلیمی » کی انت؟
۳. سلیمی چه وری شیئر گشیت؟
۴. سلیمی گجا سبڻ و نتگیت؟
۵. تانون واجه سلیمی گجام شیرئ را و نتگت؟

۱۳۳۴ سالی بهارا که مان نیمروزی ولایتا، پت و گیان پل و پلشان اتنت، هر نیمگی سبز و شاید و مچین مردم وتی لوگانی درانی سرا سبزین سبزگ لچینته تنن یانی حملی اولا، مان زرنجی شهر کئرا به بلوچ خانی لوگا چراگی روک بوت و ای گسی تها گل و بال آت، خدا (ج) آیرا پُسگی دات و خان محمدی ناما سری اشنتت که انون « سلیمی » تخلصه کنت.

واجه سلیمی عزت مندین پس آیرا ۱۳۴۲ سالا زرنج برت و نامی به فرخیی مکتبا سیایگ کرت. آیی شه اول تا ششم صنفا، وتی هم صنفانی ریسگی سرا اوشتات، ایشی خط و رسم دُراین مکتبانی تها تاک ات، به آ سالان داب چوش ات که سره ین واندگانا، پوجیین مکتب یانی حربی شوونخی گپنتت، ایشا هم که به وتی صنفئ تها اول نمره ات په کابلی روگا گچین کرتنت تا که او دا بروت و به پوجیین مکتبا سبڻ بوانیت.

پسې دلی نه وت، که پُسگی شه آبی دور بیت و په تعلیما به دگه شاری بروت، مگه ماسی پلامرزی بوت و شه پسې لوپت که آیرا بلیت که په سبخی وانگا کابل بروت.

سلیمی، پوجین مکتبا به اول نمره ییا آسر کرت، آشه ششم صنفا کم کم شئری گشگا بنا کرت، هر چنکس که وده و وخته گوشت و مزنه بوت، به هما کچانا شئری هم جوانتر و گهتر بوتنت، آوهدان آبی لهتین شیر که لیکت و رادیو افغانستانی بلوچی پروگرامی ناما دیم دات، به ای پروگراما شینگه بوتنت و لهتین وش گپ ووش توارین شیر جن، واجه سلیمی شئرانا گون ساز و زیملان وانتگت که تا انون شه افغانستانی ملیین رادیوا اوشکتگه بنت.

واجه سلیمی رندا شه ایشی که شه ۱۲ صنفا الاس بوت و مکتبا آسر کرت، بریر گون دیمی دابا، بایدنت، طبی فاکولتها بشوتین بد کسمتیا دیمی داب لگ بوت وای سالا سره ین وانندگانا کابلی پوهنتونا دیم نه داتنت و آشه طبابتی کاروانا پش کپت و بدلئ بیدی وش وپسندئ به انچین مسلکی دیمی داتنت که گون آبی چندان سرودلی نداشت.

آبی دل کمی پروشت مگه گون وتی لیزانکا سرودلی داشت و په آبی دیمریا، بازسک جُهد کرت. آبه ای مرادانی منزلی سر بوهگی خاطر و تی گامانا ترند تر و چست تر کرت و دری و بلوچی زوانان گیشتر شیرگشت، ایشی شُر رزمی و بزمی انت.

واجه خان محمد سلیمی ۱۳۵۶ سالا سبخی وانگاالاس کرت و به کندھاری پوجین قطعان سرکارین کاری گپت، به ۱۳۵۷ سالا به فراه دیمی داتنت. آکه سالان دیمما به بهاری اولی ماهی اولیا و دی بوت ای گشتی به همی ماهی دوما ۱۳۵۸ سالا گپتگ و به کابلی پلچرخی جیلا کپت. آبی نزنک سالی را اودنا گوازینت و رندا شه الاس بوهگا پدا سرکارین کاری گپت و پوجین خدمتا درگیت.

واجه سلیمی ۱۳۵۹ سالی بهاری اولی ماهی چهارمی روچا په گیشترین سبخی وانگ و وتی پوه بوهگی کچانی گیش کرتنا به پوجین کورسی بارگپت و رندا شه دوماهی سبخ وانگا په سوب شه ای کورسا الاس بوت.

واجه سلیمی عدل و انسای مردمی انت و گون عدلا شوک داشت و عدلی باروا بازین کتابی راورک جت، پمیشا شه عدلی کاران سر دره کاورت، همی وج و سبب بوت که آیرا قاضی درگیجنت. آبه ۱۳۶۰ سالا گون عدلی دگه کارندهان په گیشترین مسلکین سبخی وانگا درملکا شت و رندا شه ۹ ماها پدا په سوب به وطن برگشت.

واجه سلیمی شیندند و رندا هرات شت و به محکما کار کرت و ۱۳۸۷ سالا جنرالیی رتبه گپت. آبی به پوجی، سیاسی و عدلین وظیفانی تسر رسینگی پهنا دا، شه دلئ تها په وتی



زوانی دیمریا، بی مټین جُهد و کوشست کرت که بروکټی به صدان شټر، دو بند، دستونک و دگه... رسیت.

جالگا نمونگی ورا شه بلوچی زوانی ای وش گش و بی مټین شایرئ شیرانی دپتر اگچین وچیدگی پیما نمشته بوتگیت.

## وطن

منون آشک و تی کون و مکائی  
هما دشت و هما سیاهین گدائی  
هما شوانگ هما بگجت هما هاک  
هماریک و هما باگ و هما تاک  
هما وارو هما هنکین و بُز گل  
هما سبزین چمندو شچرین پُل  
هما شور و هما گار و هما کند  
هما جک و هما دارو هما تند  
دلا را برتگنت من نشسته بیادل  
شه ملکی دوریا غټ بوتگن سل  
وطن منی کعبه و منی دلبر نته  
وطن پهکدامونین منی مادر نته  
کنین سجده که پمن بوتگی پرض  
همیشنت آخرین منی لوټگ و عرض  
بلوچی اُون بلوچیسه کنین حال  
مناخرانت همی زوان و همی گال

### معلمی تچ و تاگ:

\* په وانندگانی پکری نزاورتنا دیما شه سبخا شه آوان هما سکین دیو کین جستانا سوج بکنت که به سبخی برزگا نمشته بوتگنت.

\* سبخا په برزین توارې بوانیت.

\* سبخی نو کین گالانا گون مانایش به تختی دیما نمشته بکنت.

\* په وانندگانی اوشکتنا مطلبی بگشیت، ای مطلبی باروا شه آوان جست بکنت، رندا شه سئ وانندگا بلوټیت که چیزیکه اوشکتگنت شه بر په برزین توارې بگشت.



## واندگانی تچ و تاگ:

- سبخا بشکننت ونو کین گالانا گون مانایش شه تختی دیما به وتی کتابچها بلکنت.
- دو وانندگ په رون ای سبخا په برزین تواری بوانیت.
- وانندگ سی بار بنت و گون وت په بلوچین شاعر خان محمد "سلیمی" زندگی باروا هبر بدینت.
- شه هر باری یک وانندگی په رون چیزیکه شه وتی همراکان اوشکته په برزین تواری په دگران بگشیت.
- وانندگ هما مطلبی باروا جستانی پسوا بدینت که معلم په آوانی اوشکتنا گشتگیت.
- سی وانندگ په رون هما مطلبی که دیما شه جستان معلم په آوان گشته شه بر په برزین تواری بگشنت.

## شه وت کنگ:

- عزتمندین معلم په وانندگانی شه وت کرتنا که بارین سبخا په شری هیل زرتگنت شه آوان جسته کنت.
- کی خان محمد "سلیمی" باروا هبر داتگه کنت؟
- همی راز په وانندگانی لکتی مهارتی پرواک کرتنا لهتین جمله په آوان شیت، چاریت، سوگه وراهشونیه کنت.

گسویین کار:

وطن شیرا به وتی کتابچهان بلکت وده وانندگ ای شیرا یگجاین ترانی ورا به صنفی دیما بوانت.

## فعل و آيي ڊول

### مخسد:

- وانندگ فعلا درست ڪننت.
- فعلی بارانا بزانتت.
- درا (مالوم) و نادراین (مجهولين) فعلاتا درست ڪننت.

### جست:

- ۱ - فعل چي انت؟
- ۲ - فعل چنت بار داريت؟
- ۳ - درا و نادراین فعل گجام انت؟

فعل هما گال انت، که کار مردم ویا چیزی حالتا، به یکی شه سئ زمانگان روش بکنت و هر فعلی سئ پکری واوند انت. کار یا حالت زمانگ و شخص.

گاجیان دي دین روت.

کریم شت.

جاویده لویتت بروت.

ادا کار سئ زمانگ یا وهدا نشانه دنت. بُرزگی سیکین جمله کنوک واوند انت بیدی ایشی که جمله مجهول بیت، کنوکي جاگها مفعول بیت، پمیشا هر جملی بنیادین بار کنوک فعل و مفعول انت.

هر فعل بن وریشگ گون آیی مصدریا کار کنوکا انت و ای را ز بیانه بیت:

مصدر هما کار انت که کسی یا چیزی بکنت مگه زمانگی واوند مه بیت چو:

کپتن

گشتن

کټن

فعل دو بار انت: لازمي و متعدي که چوش توپيره بنت.  
لازمين فعل هما انت که آبي کنوک روش و زانتگ بيت. چو:  
گواهرام کاگدا درت.

مريد کتابا برت.

متعديين فعل دو کوت انت.

درا (مالوم)

نادرا (مجهول)

دراين فعل هما انت که آبي نسبت گشو کا داتگ بيت. چو:  
بالاچ کلما پروشت.

کریم گسا آت.

نادراين فعل هما انت که نسبتي مفعولا داتگ بيت. چو:  
شهداد گشتگ بوت.

کریم بخش کوپگ وارت.

کتاب وانتگ بوت.

### معلمی تج و تاگ:

\* په واندگانې پکړی نزاورتنا دیماشه سبخا شه آوان هما جستانا سوچ بکنت که به

سبخی برزگا نمشته بوتگنت.

\* سبخا په برزین تواری بوانیت.

\* سبخی نوکین گالانا گون مانایش به تختی دیمانمشته بکنت.

\* په واندگانې اوشکتنا کسانین مطلبی بگشیت، ای مطلبی باروا شه آوان جست

بکنت، رندا شه سی واند گابلوتیت چیزیکه دیماشه جستانا اوشکتگنت شه بر په

برزین تواری بگشتن.

## واندگانی تچ و تاگ:

- سبڤا بشکننت و نوکین گالانا گون مانایش شه تختی دیما به وتی کتابچهان بلکنت.
- دو وانندگ سبڤا په برزین تواری بوانیت.
- وانندگ سئ بارینت و گون وت په فعل و آیی ډولانی باروا هیر بدینت.
- شه هرباری یک وانندگی چیزیکه فعل و آیی ډولانی باروا زانت په دگران بگشیت.
- وانندگ هماملبئی باروا جستانی پسوا بگشنت که شه وتی معلما اوشکتگنت.
- سئ وانندگ په رون چیزیکه دیماشه جستان اوشکتگنت په برزین تواری بگشنت.

## شه وت کنگ:

- عزتمندین معلم په وانندگانی شه وت کرتنا که بارین سبڤا په شری هیل زرتگنت اگه نه شه آوان جسته کنت.
- کئ فعل و آیی ډولانی باروا هیر داتگه کنت؟
- لازمین فعل گجام انت؟
- همی را ز په وانندگانی لکتئی مهارتی پرواک کرتنا په آوان لهتین جمله گشیت.

گسویین کار:

ای سبڤا به وتی کتابچهان بلکت وشه بر بکننت.

# نیمروزی ولایت

## مخسد:

- وانندگ سبځا بواننت.
- نوکین گالانی مانا بزانت.
- سبځی مانا گشتگ بکننت.
- نیمروزی ولایتا درست کننت.



## جست:

۱. نیمروزی ولایتی مزنی چنکس انت؟
۲. نیمروزی ۱۲۰ روچین گوات گجام موسما بنا بنت؟
۳. نیمروزی ولایتی غدیمین جاگهانی ناما زانت؟
۴. نیمروزی ولایتی بنجاه گجام شارانت؟
۵. نیمروزی ولایت چنت ولسوالی داریت؟

نیمروز یکی شه افغانستانی مزین ولایتان انت که ۴۲۴۰۹.۵۳ کیلومتر چارکنډی (مربع) تچکی و گوئر داریت و به برزی گوئری کشک ۳۲.۵۹ - ۲۹.۳۸ درجه و روچ دراتی تچکین کشک ۶۳.۵۹ - ۶۰.۸۷ درجه آنی تها کپتگیت.

نیمروزی روچ دراتی نیمگا هلمندی ولایت، سرونه فراهی ولایت، پادونا پاکستان و روچ کپتا ایران کپتگنت.



ای ولایتی روچ دراتا رزی کوه و جالی روچ  
نشتنا ملک سیاهی کوه کپتگنت، نیمروزی  
ولایت، پت و گیابان و ډنيسکين سردگار  
داریت، مارگو و جهندی پت جهان ډاه انت که  
بهارا مالدار به مارگوی پتا وتی مالانا په چراگا  
بال کارنت.

اشکن و گود زره ای ولایتی آپین تهونگ انت  
که هلمند، خاشرود، خوشپاس و پوده گی رودانی  
آپ تهیش ریچنت، اشکن په نیمروز و خاص آبی  
بنجاه زرنجی شهرئ آب و هوا باز کتوک انت و  
شرین مالچری انت که مالدار کثری بُندر گپته و

گدان جک کننت و وتی گوروم، رمگ و بگانا چاریننت اشکن په شکارا جوانین ماهی گیری  
هندي انت.

نیمروز لوا را تر ندین گوات داریت که سهور کشیت و ۱۲۰ روچین گواتی نامایات بیت  
و هپتمی هم داریت که گواتی سرده کشیت. بیت روچی برسیت که شه ای گواتی کتا  
مزین برقی بدستا بکپیت که بید نیمروزی ولایتا دگه ولایتانا هم بس بکنت.  
نیمروزی ولایتی بنجاه (مرکز)، زرنجی براهدارین شار انت، که ای ولایتی روکپتا به  
ایرانی سیم سری نزنیکا کپتگیت. نیمروز پنچ ولسوالی داریت که نامش، کنگ، چهار  
برجک، چخانسور، خاشرود و دلارام انت.


افغانستانی مزین راه (ترانزیتین سپرک) که به دلارام پتريت ورندا شه خاشرودو چخانسوری  
ولسوالیان گوزیت و به زرنجه رسیت وشه اودنا به ایرانا روت، به ای ولایتی آباتیا باز  
اهمیت کرز زاننگه بیت.

نیمروز کهنین سردگاری انت و راج دپتری تنها برزین نام و تواری داریت. زرنج، ساروتار،  
نیشک، نادعلی، سهوردک، خاشی کلات، پادشاهی کلات، پادشاهی ماسی کلات، کلای  
پت، امیرانی کلات، چهل برج، چخانسور ودگه شه ای هندی غدیمین جاگهان انت.

به نیمروزی ولایتا مالداري شه دیرا داب انت، ای هندی نندوک گوک، بز، پس و اشتر  
دارنت که شه پشم و مودانش په وت گدان، چیرگیج و بیردوک گوپنت. ایدنا کونپت و  
غالی گو پتگه بیت و به جهانا بلوچین پس و غالی مزین نام و توار انت.

بری ولایتا غدیمی وهدان باگذاری به کشارگیری پهنا دا باز داب ات که شه گلهیین بیست سالی پد به پدین هسکسا لیا تاوانی بوتگنت و گیشترین باگات حشک بوتگنت. نیمروزی ولایت گز و پدگی زول داریت، مارگویی پتا تهگز بازانت که کسی سریش دلگوش نه داریت و گیشترکی مردم په سوچگا گپننش، که ای کارش زندی چا گردی سرا گندگین اثری کلیت.

نیمروزی ولایتی پت و گیابانان هپتارگ، گرک، شگال، روباه، هوک، کرگو شک و سینکر ودیه بیت. به اشکنا بت، لگو، چور، روک، سبز گردن میش مرگ تغلک، پور، سیسی ودگه باز انت. به نیمروزی ولایتا اسپیت برو سوز بر باز داب انت که گیشتر گله، جو، کوپگ، ترک، زرت، ماک، عدس و موشوکه و ماش کشتگه بیت.



نیمروزی نندوک بلوچی، پشتو و دریی زوانان هیره دینت و ای ولایتی نندوکانی گیشترکی بلوچ انت و بلوچی زوان رندا شه پشتو و دریی زوانا ایدی

رسمین زوان انت. ای ولایت شه وت رادیو و تلویزیونی داریت. ای ولایتی بلوچین جنین زاگانی دست دوچین زی و گپتان نام و توار دارنت.

### معلمی تچ و تاک:

- \* په وانندگانی پکری نزاورتنا دیماشه سبخا شه آوان هما جستانا سوچ بکنت که به سبخی برزگا نمشته بوتگنت.
- \* سبخا په برزین تواری بوانیت و نیمروزی ولایتی باروا گیشتر مالومات بدنت.
- \* سبخی نوکین گالانا گون مانایش به تختی دیما نمشته بکنت.
- \* په وانندگانی اوشکتنا کسانین مطلبی بگشیت، ای مطلبی باروا شه آوان جست بکنت، رندا شه سی وانندگا بلوچیت که مطلبی که دیما شه جستان اوشکتگنت شه بر په برزین تواری بگشنت.

## واندگانی تچ و تاک:

- سبخا بشکننت و نوکین گالانا گون مانایش شه تختی دیمابه کتابچه بلکنت.
- دو واندگ سبخاپه برزین تواری بوانیت.
- واندگ سئ بار بنت و هرباری جتاجتا گون وت په نیمروزی ولایتی باروا هبر بدینت.
- شه هر باری یک واندگی چیزیکه شه وتی همراکان په نیمروزی ولایتی باروا اوشکته په برزین تواری بگشیت.
- هما مطلبی باروا جستانی پسوا بگشت که معلم په آوان گشتگیت.
- سئ واندگ هما مطلباً که دیما شه جستان اوشکتگت شه بر په برزین تواری بگشت.

## شه وت کنگ:

- عزتمندین معلم په واندگانی شه وت کرتنا که بارین سبخا په شری هیل زرتگنت اگه نه، شه آوان جسته کنت.
- کی نیمروزی ولایتی باروا هبر داتگه کنت؟
- انون مشما به نیمروزی ولایتی گجام جاگها ان؟
- همی راز په واندگانی لکتنی مهارتانی پرواک کرتنا لهتین جمله په آوان گشتگ و سوگه و راهشونی بنت.

گسویین کار:

نیمروزی ولایتی ایشک و اشکی جاگهانی نامانا به وتی کتابچهان بلکت و شه بریکنت.



## علمی هیل زورگ

### مخسد:

- وانندگ سبځا بواننت.
- نوکین گالانی مانا بزانت.
- سبځی مانا به وتی زوانا گشتگ کنت.
- شه علمی کدرا سی بنت.
- په علمی یات گرگا کوشست بکنت.

### جست:

۱. علم چیا شنت؟
۲. امی مزین پیغمبر حضرت محمد ﷺ په علمی یات گرگا چه گشتگیت؟
۳. پچی عالم و دانندگانی کدر بازانت؟
۴. اوشکنگ و چارگ به علمی یات گرگا چه تاثیر داریت؟

علم زانگا شنت، علم و سرپد بوگ، ترخی و دیما روگی و ج بیت. بنیادمی ډیل و براه علم انت، پمیشا سرپدین مردم، چن و لانچ دارنت که علما یات بگرت، امی مزین پیغمبر حضرت محمد ﷺ گشتگیت:

«علما یات بگرت اگه به چین هم بیت».

گون علما مروچی مردم به گجا که نرسنگت، بچار که شه علمی برکتا، بنیادم برز به دگه سیاره ان رونت و شه جهانی دور دستا و ترا سهی و سرپده کنت و کتره یی تنها درستین

دنیای دپ دیگانا په سرو چم گندنت و کوشکننت، اگه دنیای آشکا هبری بیت توپکره کنی که تهی چمی دیما انت، مثالی پیما اگه فوتبالی گوازیی هم چمی به ارجنتاین رادگ بیت، همی دما که یک ارجنتاینی به هما ستدیو می تنها فوتبالا چاریت، همی کتره و پاسا دگه هم به وتی جیندی نیپادا به تلویزیونا په سرو چم گندنت که ایش وت علمی ترخیا سارا کنت.

مروچین روچا عالم و دانندگ شه مچان گیشتر کدر و کیمتی دارنت، شه علمی برکتا هر روچ و هر کتره یی به ساینس و تکنالوجیی ډاکا دیما روگ ودیه بیت و مزین بدل بوهگ کیت.

علمی یات گرگی رهبند ایشنت:

۱- آشکینگ: معلم و استاذی راه نشاندو کییا بایدانت شریا دلگوش بکنن وامی پکرمدام سونی واجین معلما بیت.

۲- چارگ، چارتن: مروچین روچا مردم بازین چیزی راگون چما یات گیت، تلویزیونا چاریت یا که انترنتا، یا که گون کمپیوترا موشکول انت.

۳- آ که شه چمی نعمتایی کوت وبار انت گډان گون دستانی مدتا سبک وانیت و یات گیت که ایش وت خاصین راه و ډولی داریت و خاصین کتابی.

راجی دیمری به علما ربطه گیت، یک راجی مخلوکانی زندی گهبودی، پیه یی بُرزبرگ، جان سلامتیئ سرا دلگوش کنگ، سرکانی جوړ کنگ و دگه تانکا گون علمین کوشست وتلواسگان بربره بیت و بس.

دربیان ووش گشین شاعر میرگل خان نصیر علمی باروا چو جوان شیت:

بی علم و هنر کس من جهان شات نه بیت

بی جُهدو عمل، هیچ کس آبات نه بیت

علمی یات گرگ مرد و جنی کار انت، عالم و دانندگ و معلم باز کدر دارنت و وانندگان گردنا مزین حکمی دارنت.

ایش درا انت، هیچ مُلکی مردمانی لاپ سیرنه بیت و گوئرش نوکین پوچی نه بیت مگه ایش که کشت و کشارش دیمری بکنت، اگه کشار گر گله، پمگدانگ، کنچت و گل

روزگردان مه کشت و آپش مدینت و مچش مه کننت گلهان شه گجنا نان، پمگ، تکر و روگن ودیه بیت.

کشت و کشارا آپ ضرورت انت، آپی پسان کنگ و ساتن بند لازم داریت، بی علم که بند بستگه نه کنت، تراکتور جوړ کرنگه نه کنت و چلینگی هیل نه انت، بی علمه نه زانت که پمگ چینیی کمباین چون چالان بیت گلهان آروگینی کار جاهی هله کنگا چون بزانت، بی علم تکر گوپگی کار جاهی هله پیگ، پمگی ریسگ، رنگ دیگ و گوپگا چون بزانت.

علمی یات گرگ چو راپله و زینگی انت. مردم یک هو برزگا نه رسیت، بیدی ایشی که پله په پله بروت پمیشا مردم شه کسانیا واول صنفا سبخا زوریت و سال به سال دیما روت تا که به برزو برزترین جاگها رسیت، وانندگ و تعلیمی زوروک اول یک تکی یا ته گیت، یا نی شه الفا بنا کنت تا که به سک و مزین کتابانی واتن و هیل زورگا رسیت.

### معلمی تچ و تاک:

\* په وانندگانی پکری نزاورتنا، دیما شه سبخا شه آوان هما جستانا سوچ بکنت

که به سبخی برزگا لکتگ بوتگنت.

\* سبخا په برزین تواری بوانیت.

\* سبخی نوکین گالانا گون مانایش به تختی دیما نمشته بکنت.

\* په وانندگانی اوشکتنا مطلبی بگشیت، ای مطلبی باروا شه آوان جست بکنت، رندا

شه سی وانندگا بلوتیت چیزیکه دیما شه جستان اوشکتگنت شه بر په برزین تواری

بگشنت.

## واندگانی تچ و تاگ:

- سبڄا بشکننت و نوکین گالانا گون مانایش شه تختها به کتابچها بلکنت.
- دوواندگ په رون ای سبڄا په برزین تواری بوانیت.
- واندگ سئ باربنت و گون وت په علمی یات گرگی باروا هبر بدینت.
- شه هرباری یک واندگی چیزیکه په علمی یات گرگی باروا زانت بگشیت.
- واندگ هما جُستانی پسوا بگشنت که معلم په آوان گشتگیت.
- سئ واندگ په رون چیزیکه دیما شه جستان اوشکننت شه بر په برزین تواری بگشنت.

## شه وت کنگ:

- عزتمندین معلم په واندگانی شه وت کرتنا که بارین سبڄا په شری هیل زرتگنت اگه نه شه آوان جسته کنت.
- کی علمی یات گرگی باروا هبر داتگه کنت؟
  - کی باید انت علمایات بگیت؟
- همی راز په واندگانی لکنی مهارتی پرواک بوتنا په آوان لهتین جمله بگشیت.

گسویین کار:

بی علم و هنر کس مان جهان شاته نه بیت - ای شیرئ پورهین مخسدا به وتی کتابچهان بلکت.

# اُستادی کدر

## مخسد:

- وانندگ سبڃا بواننت.
- سکين گالانى مانا بزانت.
- سبڃي مانا گشتگ بکننت.
- استاذي کدرا بزانت.

## جُست:

- کي استاذي کدري باروا هبر دانگه کنت؟
- پڃي استاذي کدرباز انت؟
- شما وتي استاذانا چنکس دوست دارت؟
- پڃي استاذا معنوين پس شنت؟

مروچين روچا، هر ديما روگي که مردم به جهانا گنديت، بنيادمانی ديمري و ترخيا اگه چاريت، دگه مردم پکره کنت که چون اولسرا زندگيه کرتنت، رندا حيوانانی پوستا جتگ و گوئر اکرتگنت. نون به گجا رستگنت، وختی ات که مردم دوسينگا يکی به آدگرا لگاشتنت و آتش روکه کرتنت يا دايم، شپ و روچ آتشي کوره کرتنت تا که آتش مه مريت. نون به ای راها مزنين سوب به دستا آورتگنت.

هيچکس شه وت چیزی نه بوته وبه جای نه رستگيت، مگه گون اُستاذي راهشونی و تعليما وترا به جای رسيته وبه وتی مُراد و مخسدا رستگيت. ايش مچين اُستاذي برکت انت، هر کسی که زانگ و کمالي زرته، جاگه و مقامي گپته، شان و عزتي واوند بوته

زانت که به برزگی هتگا به استاذانی زحمتی برکتا رستگیت. درآ بیت که استاذ چنکس وانندگ ویک جامعی مردمانی سرامزین حکمی داریت.

مردمی خون، جون و گوشت شه پس و ماسی برکتا انت، پمیشا جنت آوانی پادئ چیرا انت که اگه آوان وتی زاگا بهیل مه کننت، پُسگش جنتی دیما ننگدنت، استاذ معنویین پس انت، اگه پس زاگی جونا پوشیت، نان و وراک و دیه کننت، معنویین پس، مرد مگریا یاته دنت، مردمی مجگا رودینیت و شه دیمری و ترخیی راه و رهبندان سهی و سریده کننت.

أستاذ پکرین بنیادئ بنگیج ایر کنوک انت. پمیشا وانندگ بایدانت أستاذا په برزین چمی بگدنت و آیرا رودینگ و تعلیمی ریدگین سنگری کماش و سر براه بزانت، أستاذی احترام په مچین وانندگان واجب انت، تانکا آ مردمی که علمین کاری ارزشتا، نه زانت أستاذی جاگه و مقامی کدرا بوهم نه بارت.

مشمی دین اسلام و علمی دین انت، اگه معلم سیخ دنت دگه شما په کراری و باز دلگوش آیی هبر و راهشونیا نا بشکننت، جایکه نه زانت په جوانی سوج کننت. شه باز کمین کتره و پاسی کت و پیدگ بزورت، که ای کتره و پاس ویلا شه دستا مه رونت. وبه ایشی سدک و باوربدارت که وهده و پاس که شه دستا شد پدی گیره نه کیت.

### معلمی تچ و تاگ :

\* په وانندگان پکرئ نز آورتنا دیما شه سبخا هما جستانا که به سبخی برزگا نمشته بوتگنت شه وانندگان سوج بکننت.

\* سبخا په برزین توارئ بوانیت.

\* سبخی نوکین گالانا گون مانایش به تختی دیما نمشته بکننت.

\* په وانندگان اوشکتنا مطلبی بگشیت، ای مطلبی بارواشه آوان جست بکننت.

\* شه سی وانندگا بلوئیت، چیزیکه دیما شه جستان اوشکتگنت شه بر په برزین توارئ بگشنت.

## واندگانی تچ وناک:

- سبځا بشکننت و نوکین گالانا گون مانایش شه تختها به وتي کتابچهان بلکنت.
- دو واندگ سبځا په رون په برزین تواري بوانیت.
- واندگ سئ بار بنت و گون وت په استاذئ کدرئ باروا هبر بدینت.
- شه هرباري یک واندگي چیزیکه په اُستاذئ کدرئ باروا زانت بگشیت.
- په هما مطلبها که شه معلما اوشکتگنت، جستانی پسا بگشنت.
- سئ واندگ په رون چیزیکه دیما شه جستان اوشکتگنت شه بر په برزین تواري بگشنت.

## شه وت کنگ:

- عزتمندین معلم په سبځئ شه وت کرتنا که بارین واندگ په شري هیل زرتگنت اگه نه شه آوان جسته کنت.
- کئ اُستاذئ کدرئ باروا هبر داتگه کنت؟
  - پچي اُستاذئ کدر باز انت؟
- همي راز په واندگانی لکتنئ مهارتئ پرواک بوتنا، لهتین جمله گشتگ بیت.

کسویین کار:

اُستاذئ کدرئ باروا پنچ کشکئ کاسا نمشتانکي بلکت.

## بزانت بلد

بزانت	کال
دیما روگا	ترخیا
گال، کلیمه، هبر	لبز
محتاج، دست چار	اږ
حالت، شرط	جاور
جنگل	بش وزول
تاریخ	راج دپتر
سایچ چپ، تیره، وژتگ، تیره ین، وژتگین	بز، بزین
فعالیت، کار، سورتن (سورگ)	تچ و تاگ
مُرگی (کروسی)	کُکُری
دُزنت	پُلنت
لچنتی، گروک، ساری که شه یکی دگری را گرنٹ	لچوک
گوازی دیگ.	ریبی
زیان	گار
گرمین، تپتین	اهاړین
پیگام، حال دیگ	کولو
سوگه، تاکید	جخت
درا، روش، مالوم	سارا
بی وږ، بی مانند	بی درور
کوشش و تلواسگ	چن ولانچ
نخس و تاوان	داگ و دروش
جامعه، جامعا	راج، راجا
نتیجه، کارید	آسر
دُزی و هُول کرتن	پل وُلپ
میانجین، میانجینا، میانجینی	نیام، نیاما، نیامی
دیدار و هبر	گندونند
خلاپ، ضد، که نه چرنت	چپ
پُل و کارخانه	پُل و کارجاه
نزه کاریت	مُچه کنت
نیشه جنتش، گپه برنتش	سندنتش

بزانت	کال
بخشوک، بخشنده	رحیم
نعمت و مال	نعیم
آتگ، آت	یهتین
کرمی و اوند، بخشایوک، دادو بخشگی و اوند	کریم
دانا، سرپد	علیم
بردبار	حلیم
بخشش، کرم	جود
محتاج، دست چاروک	چم دار
مالوم، آشکار	روش و درا
راه نشان دیوکیا	رهشونیا
مچ، مچین	دُراین
شه هوشا بُرتنت، بی هوش کرتنت.	شموشنتت
تعین، انتخاب	گچین
دمی، کمین پاسی	کتره یی
چیر، پنهان	چیره کایی
دیما، دیمترا	پیسر، پیسرا
موک، رشوه	ملام
جوابا، جواب	پسوا، پسو
ای رنگ، ای وږا، ای راز	چوش
هیچ و هده، هیچ وخت.	هیچیر
سوج، پول، پُستن	جُست
پدا، پدی	رندا
مخسد، مُراد، لوپگ و ارمان	واهگ
کُمک، دستگیری	مدت، مدد
دیماروگ، ترخی	ود
چیزی که پادانی چیرا آوار کرتگه بیت.	چیرگیچ
درمان کنگی جاه، شفاخانه	دُراجاه
چگاری چیری چیز	مادن
کارخانه	کارجاه



کال	بزانت
تلوسنت	کار و کوششه کننت
گرتی	تشویش
نازاکین	نازاو لین
بیران	خراب
هُور، هُورین	یگجا، یگجاین
نیام، نیامی	میانجین، میانجینی
راج، راجا	جامعه، جامعا
پشنگ	تیر، مرمی
پش	پدا
اړن	احتیاج دارن
دمگ	جاگه، هند
لچتگ	ربط دار، وصل
کُله کننت	مُجه کننت، نزه کاریت، ودیه کننت
أشماره بیت	حسابه بیت
ایمل	انترنتی، گروکین پوست
پیسرا	دیم ترا ( شه انونا گوستگ )
تکس	محصول
میان سرینا	سرینی میانجینا
بچژیننت	نک دینت، نیش دینت
زولانی تنها	جنگلانی تنها
پُل، پُهل	پولوک، گُل
هیلو	مُوتگ، خو گپتگ
مریین بُز	بُزی که جاړه کاریت وراکی بازانت، شیر بازه دنت
سگیت	تاکنته کننت، صبره کننت
پیه	سرمایه، دارایی
پد درا	درا، روش، مالوم
دگه وړی	دگه رازی، دگه ډولوی، دگه رنگی، دگه زاتی
بلکننت	نمشته بکننت
نازینک	ناز دانتی شیر(شعر) که ماس

کال	بزانت
گردوک	چارکنوک، هما که گردنت
پتوک	ودی کنوک، هما که پتنت
لټار	مُردار، کچټ
برجم	برجاه، برقرار
ایر گیجنی	جال بیارنی، ایربیارنی
غو، غوجتن	توم و دانگاکائی چیرا کرتن
تچوکین	رادگین، تچیت، راهه روت
رد بیت	به گوزیت، به روت
مه رُدیت	مزن مه بیت.
تَگ	تَمل، بیکاره
گپ و گالا	هیرانا
بی تاسور	بی تاثیر، اُززه، بی کدر
رکنگ مه کنی	الاس مه بی، نجات کرتگ مه کنی
کُلهی	نزاو رتن، مُچ کرتن
چک مه جن	پدا مه چار، پدا مه گند، پدا سیل مه کن
لپیچ	پلیچ و تاب
سرونا	برزسرا ( پادونی چپ)
سها	نپسا
گواهی	شاهدی
کنلهی	کان ( حاکانی چیری چیز)
کوله	ذغال (ذغالی سنگ)
چارکه	تیار
شَهت، شَهتی	وشی (عسل)، وشیی(عسلی)
لوگ	گس
پنت	سوگه، جخت، کتوکین هبر
لقمان حکیم	مزن نام و توارین عالم و دانندگی انت
هله کننت	بوشتاریننت
پُسگ	زاگ، اولاد
سول	جُړگ، آشتی، کراری

کال	بزانت
کمروری	کمی
کارمرزی	کارگرگ، استفاده
بُنیادمین واکا	انسانین واک ووسا
پُسگش	زاگش، اولادش
بُنگیجی	بُنیدای، ایرخستی، سرئ
گهودیئ	گهتریئ، جوانیئ
چوگه وارت	دیم په دیمه بیت، لگیت
گوپ	چیزی که گوپنگه بیت
دوچ	چیزی که دوپنگه بیت
تنک	هرنیمگا کپته، تالان، پاشک وارتگ
دیم حونی	قربانی، ندریگ
ردین	گندگین، بدین
کشار کنگ	حاکانی چیرا کنگ
چک تر	مزن تر
کشک	خط
بی متین	بی مثالین
دستونک	هماشیر که به دریی زوانا غزل گشتگه بیت
دوبند	دوبیتی
کون ومکانی	چگارو آسمانی
جُهد	کوشست و تلواسگ
بنجاه	مرکز، اتگ

کال	بزانت
	په کسانین زاگا گشیت
هالو	ناز دانتی شیر(شعر) که ماس په کسانین زاگا گشیت
گل، گلا	وشی، وشالیا
هول	تروس
دروگبُر	دروگ گشوک، دروگ جوړکنوک
نا سرپد	نازانت
بخیل	هما که چیزی په دگران پیرزوه نه کنت
حریص	ناسیرگ، باز لوپوک
کرد، کردی	کردار، کرداری
وت پسند	وت لوپوک
چای سندیت	چای کاره کنت
سهی	سی، آگاه
تیو	بار، گردن بار، گردن گیر
آدگه دستا	آدگه نیمگا
چُرخ	بلخ، گروک وارتن، روشنی داتن
تارم	تاریکی، روشنایی چپ
بُلگپته	غرخ بوته، اوک واره
درگیجگ	گچین کاری، انتخابات
درشانه کنت	مالومه کنت، نشانه دنت
سد	پونگ، دیمگیر

## بن چمگ

- بلوچیئ زوان راهبند، ع. پهوال ا.ا.ج علمی اکادمی هجری شمسی ۱۳۶۲ سال.
- بلوچیئ مثل گالوار. نزار و پولکار ولی محمد رخشانی.
- بلوچیئ گالبند، ع. پهوال.
- سید گنج "سید هاشمی".
- براهدارین پل شه بلوچیئ لبزانکی باگا. ع. پهوال هجری شمسی ۱۳۶۶ سال.
- بلوچی بوانین عبدالکریم "راجی".

